



歷代名賢列女氏姓譜卷之七十一

湘鄉

蕭智漢雲澤氏纂輯

男秉信明甫氏校

下平聲

五歌

羅氏

子爵熊姓一曰祝融之後妘姓初封宜城徙枝江為楚所滅周末居長沙又鄴公德雋賜姓李氏又叱羅氏改為羅氏望出豫章長沙

歷代名賢

漢

羅銖高帝時從灌嬰定豫章有功德於民卒官子孫因家焉晉未有羅企生遵生今南昌柏林羅氏是其後也羅太史洪先家譜備述其事

氏姓譜

卷七十一

五歌

羅氏

一

羅衍成都人公孫述據蜀衍說述尚書解文卿鄭文伯諫述歸漢為子孫福解鄭從之述怒閉二子於簿室二子守志不回遂幽死

晉

羅憲字令則襄陽人也父蒙蜀廣漢太守憲年十三能屬文早知名師事譙周周門人稱為子貢性方亮嚴整待士無倦輕財好施不營產業仕蜀為太子舍人宣信校尉再使於吳吳人稱焉時黃皓預政眾多附之憲獨介然皓恚之左遷巴東太守時大將軍關宇都督巴東拜憲領軍為宇副貳魏之伐蜀名宇西還憲守永安城及成都敗城中擾動邊江長吏皆棄城走憲斬亂者一人百姓乃安知劉禪降乃率所統臨于都亭三日吳聞蜀敗遣將軍盛憲西上外託救援內欲襲憲憲曰本朝傾覆吳為唇齒不恤我

難而邀其利吾寧當爲降虜乎乃歸順於是繕甲完聚勵以節義士皆用命及鍾會鄧艾死百城無主吳又使步協西征憲大破其軍孫休怒又遣陸抗助協憲距守經年救援不至城中疾疫大半或勸南出梓潼北奔上庸可以保全憲曰夫爲人主百姓所仰旣不能存急而棄之君子不爲也畢命於此矣會荊州刺史胡烈等救之抗退加陵江將軍監巴東軍事使持節領武陵太守泰始初入朝詔曰憲忠烈果毅有才策器幹可給鼓吹又賜山元玉佩劍泰始六年卒贈使持節安南將軍武陵太守追封西鄂侯諡曰烈初憲侍讎華林園詔問蜀大臣子弟後問先輩宜時叙用者憲薦蜀人常忌杜軫等皆西國之良器武帝竝召而任之子襲歷給事中陵江將軍統其父部曲至廣漢太守

氏姓譜

卷七十一

五歌 羅氏

二

羅企生字宗伯豫章人也多才藝初拜著作佐郎以家貧親老求補臨汝令刺史王凝之請爲別駕殷仲堪之鎮江陵引爲功曹累遷武陵太守未之郡而桓元攻仲堪仲堪更以企生爲諮議參軍仲堪多疑少決企生深憂之謂弟遵生曰殷侯仁而無斷事必無成成敗天也吾當死生以之仲堪果走文武無送者唯企生從焉路經家門遵生曰作如此分離何可不執手企生廻馬授手遵生有勇力便牽下之謂曰家有老母將欲何之企生揮淚曰今日之事我必死之汝等奉養不失子道一門之中有忠與孝亦復何恨遵生抱之愈急仲堪於路待之企生遙呼曰生死是同願少見待仲堪見企生無脫理策馬而去元至荊州人士無不詣者企生獨不往而營理仲堪家或謂之曰元猜忍之性未能取卿誠節若遂不詣禍必至矣企生正色曰

我是殷侯吏見遇以國士爲弟以力見制遂不我從不能
共殄醜逆致此奔敗亦何面目復就桓求生乎元聞之大
怒然素待企生厚先遣人謂曰若謝我當釋汝企生曰爲
殷荊州吏荊州奔亡存亡未判何顏復謝元卽收企生遣
人問欲何言答曰文帝殺嵇康嵇紹爲晉忠臣從公乞一
弟以養老母元許之又引企生於前謂曰吾相遇甚厚何
以見負今者死矣企生對曰使君旣興晉陽之甲軍次尋
陽並奉王命各還所鎮并壇盟誓口血未乾而生奸計自
傷力劣不能翦滅凶逆恨死晚也元遂害之時年三十七
衆咸悼焉先是元以羔裘遺企生母胡氏及企生遇害卽
日焚裘

羅含字君章桂陽耒陽人也曾祖彥臨海太守父綏滎陽
太守含幼孤爲叔母朱氏所養少有志尙嘗晝臥夢一鳥

氏姓譜

卷七十一

五歌

羅氏

三

文彩異常飛入口中因驚起說之朱氏曰烏有文彩汝後
必有文章自此後藻思日新弱冠州三辟不就含父嘗宰
新淦新淦人楊羨後爲含州將引含爲主簿含傲然不顧
羨招致不已辭不獲而就焉及羨去職含送之到縣新淦
人以含舊宰之子咸致賂遺含難違而受之及歸悉封置
而去由是遠近推服焉後爲郡功曹刺史庾亮以爲部江
夏從事太守謝尙與含爲方外之好乃稱曰羅君章可謂
湘中之琳琅尋轉州主簿後桓溫臨州又補征西參軍溫
嘗使含請尙有所檢劾含至不問郡事與尙累日酣飲而
還溫問所劾事含曰公謂尙何如人溫曰勝我也含曰豈
有勝公而行非邪故一無所問溫奇其意而不責焉轉州
別駕以解舍誼擾於城西池小洲上立茅屋伐木爲材織
葦爲席而居布衣蔬食晏如也溫嘗與寮屬讌會含後至

溫問衆坐曰此何如狀或曰可謂荆楚之材溫曰此自江左之秀豈惟荆楚而已徵爲尚書郎溫雅重其才又表轉征西戶曹參軍俄遷宜都太守及溫封南郡公引爲郎中令尋徵正員郎累遷散騎常侍侍中仍轉廷尉長沙相年老致仕加中散大夫門施行馬初舍在官舍有一百雀棲集堂宇及致仕還家階庭忽蘭菊叢生以爲德行之感焉年七十七卒所著文章行於世

羅真人名致福黃梅人晉時修道於縣北鳳臺觀丹成有老人來云某龍也有病願求丹療之致福賜之丹而愈後于觀北水塘洗足飛昇而去今遺飛昇臺并洗足池宋賜今號

羅研字深微廣漢人少有才辯鄧元起平蜀辟爲主簿後

氏姓譜

卷七十一

五歌

羅氏

四

爲信安令故事置觀農謁者圍桑度田勞擾百姓研請除其弊帝從之鄱陽忠烈王蕭恢臨蜀聞其名請爲別駕及西昌侯蕭藻重爲刺史州人爲之懼研舉止自若侯謂曰非我無以容卿非卿無以事我齊荀兒之役臨汝侯嘲之曰卿蜀人樂禍貪亂一至於此對曰蜀中積弊實非一朝百家爲村不過數家有食窮迫之人什有八九束縛之使旬有二三貪亂樂禍無足多怪若令家畜五母之雞一母之豕牀上有百錢布被甌中有數升麥飯雖蘇張巧說於前韓白按劍於後將不能使一夫爲盜况貪亂乎大通二年爲散騎侍郎嗣王範將西忠烈王恢謂曰吾昔在蜀每事委羅研汝遵而勿失範至復以爲別駕升堂拜母蜀人榮之數年卒官蜀士以文達者唯研與同郡李膺

羅縉代人也其先世領部落爲魏附臣劉顯之謀逆也道

武去之結翼衛鑿與從幸賀蘭部後以功賜爵屈地侯明
元時除持節散騎常侍寧南將軍河內鎮將太武初遷侍
中外都大官總三十六曹事年一百七歲精爽不衰太武
以其忠懇甚見信待監典後宮出入臥內因除長信卿年
一百一十詔聽歸老賜大寧東川以爲居業并爲築城卽
號曰羅侯城朝廷每有大事驛馬詢訪焉年一百二十歲
卒贈寧東將軍幽州刺史諡曰貞
羅斤結子也明元時爲侍御中散後從太武討赫連昌太
武追奔入城昌邀擊左右多死斤力戰有功太武嘉之後
錄勲除散騎常侍侍中四部尙書又加平西將軍後平涼
州攻城野戰多有克捷以功賜爵帶方公除長安鎮都大
將會蠕蠕侵境馳驛徵遣除柔元鎮都大將後以斤機辯
救與王俊使蠕蠕迎女備後宮又以本將軍開府爲長安

氏姓譜

卷七十一

五歌

羅氏

五

鎮都大將卒贈本將軍雍州刺史諡曰靜陪葬金陵

羅敦斤子也襲爵有姿貌善舉止自太子洗馬稍遷散騎

常侍庫部尙書卒贈安東將軍幽州刺史諡曰恭

羅伊利敦子也文成時襲爵除內行長以沉密小心恭勤

不怠領御食羽獵諸曹事伊利會病獻文幸其宅自視醫

藥其見待如此稍遷散騎常侍儀曹尙書出爲安東將軍

袁州刺史善撫導在州數年邊民歸之五千餘戶孝文時

蠕蠕來寇詔伊利追擊之不及而返後依例降爲侯除司

農卿光祿大夫卒宣武初贈征北將軍燕州刺史諡曰靜

子阿奴亦忠實寡言有智度以勲臣之子除侍御中散襲

爵稍遷中散大夫卒子殺鬼襲爵武泰中驃騎將軍南青

州刺史

羅拔敦弟也歷殿中尙書賜爵濟南公孝文時進爵爲王

除征西將軍吏部尚書改封趙郡王後例降爲公卒贈寧
東將軍定州刺史諡曰康陪葬金陵子道生肆州安北府
外兵參軍卒子延天與中驃騎將軍左光祿大夫

羅提結從孫位歷通顯從太武討赫連昌有功賜昌女爲
妻子雲早有各位獻文時給事中西征敕勒爲賊所襲殺
羅蓋雲子也宣武時左將軍直閣將軍轉龍驤將軍濟州
刺史卒贈本將軍袁州刺史

羅鑿蓋長子也累遷冠軍將軍岐州刺史入除散騎常侍
金紫光祿大夫主衣都統卒贈侍中都督冀定瀛三州諸
軍事尚書右僕射司空公衛將軍冀州刺史以孝靜外戚
故也鑿弟衡累遷天水樂陵二郡太守輔國將軍光州刺
史

羅爾結宗人善射有膂力太武時爲軍將數從征代有功

氏姓譜 卷七十一 五歌 羅氏 六

官至范陽太守卒贈幽州刺史

羅念字子懷彌孫也武定中驃騎將軍膠州刺史

羅道珍襄陽人也除齊州東平原相有治稱卒於鎮遠將
軍屯騎校尉



羅士信齊州歷城人隋大業時長白山賊王薄左才相孟
讓攻齊郡通守張須陁率兵擊賊士信以執衣年十四短
而悍請自效須陁疑其不勝甲少之士信怒被重甲左右
鞭上馬顧盼須陁許之擊賊濰水上陣纔列執長矛馳入
賊營刺殺數人取一級擲之承以矛戴而行賊皆胎懼無
敢亢須陁乘之大破賊士信逐北每殺一賊輒削鼻納諸
懷暨還驗以代級須陁嘆伏遣以所乘馬比戰須陁先登
士信副以爲常煬帝遣使圖須陁士信陣法上內史後須

隋爲李密所殺。士信與裴仁基歸密署總管。俾統所部討王世充。身被重創。見獲於世充。世充愛其才厚。遇之與同寢食。後得密將酈元真等。故士信稍稍疏斥。士信恥與伍。率所部千餘人來降。高祖拜陝州行軍總管。因謀世充。士信行則先鋒。反則殿。有所獲。悉散。戲下有功者。或脫衣解馬。賜之士。以故。用命。然持法嚴。至親舊無少貸。其下亦不甚附。師次洛陽。攻千金堡。堡有惡言。詢軍士。信怒。夜遣百人載嬰兒。唬謀。堡下。若自東都出奔者。旣而陽悟曰。非也。此千金堡耳。因散去。堡兵開門。追掠士。信伏入屠之。無類。賊平。授絳州總管。封鄉國公。從秦王擊劉黑闥。洛水上得一城。王君廓戍之。賊急攻。潰而出。王與諸將孰能守。此士信曰。願以守。乃命之士。信已入賊。悉衆攻方雨。雪救軍。不得進。城陷。黑闥欲用之。不屈而死。年二十八。王隱悼。購其

氏姓譜

卷七十一

五歌 羅氏

七

尸以葬。諡曰勇。初。士信爲仁基所禮。及東都平。出家財。斂葬北邙。以報德。且曰。我死當募其側。至是如所志。

羅宏信字德孚。魏州貴鄉人。善騎射。狀貌雄偉。爲裨將。主馬牧。魏有巫告宏信曰。白頭老人使謝君當有是地。宏信曰。神欲危我耶。先是。軍中共推大將趙文珩。總留後。文珩死。衆曰。孰願主吾軍者。宏信輒曰。神命我矣。衆環視。以爲宜。遂立之。詔擢知留後。再遷節度使。加檢校司空。同中書門下平章事。豫章郡公朱全忠討黃巢。餉粟三萬斛。馬二百匹。秦宗權亂。復詔宏信以粟一萬斛助軍。未輸。檢校工部尚書。雷鄴來責粟。宏信素脅于牙軍。擅殺鄴。全忠以檄譙。讓宏信不敢報。大順初。全忠討太原李克用。遣將趙昌嗣見宏信。假糧馬。又議屯邢洛。假道相衛。宏信不納。全忠使丁會。龐師古。葛從周。霍存等。引萬騎度河。宏信壁內。

黃凡五戰皆敗禽大將馬武等乃厚幣求和方全忠圖河北欲結納宏信乃遣兵全忠攻衮鄆朱宣求援於克用遣李存信率兵救之請道屯莘其下侵魏芻牧宏信不平克用欲合鎮定兵營河曲搃魏滑路宏信馳告全忠請禁游舸絕往來久之魏人不至全忠疑其給自將至滑州宏信來告曰魏人未動者正欲緩圖之全忠遂屯曹太原將李瑋救宜復壁莘宏信厭其暴而瑋溝壘自固全忠遣使謂曰晋人志并河朔師還爲公憂之宏信乃攻瑋告全忠師期全忠將趨滑爲援次封邱而宏信已破瑋克用怒以兵掠魏博全忠將侯言屯洹水克用兵數求戰言不敢出全忠以葛從周代將從周爲閭竇每克用兵至輒出精卒薄戰必捷克用踰洹西北挑戰從周大破之禽其子落落乃引去然侵魏不已大戰白龍潭宏信敗克用追薄魏門而

氏姓譜

卷七十一

五歌

羅氏

八

遣宏信乃乞師全忠全忠遣將壁洹水救魏克用游兵剽相魏民死十九宏信不堪其逼光化元年如全忠告亟全忠復遣葛從周將兵追躡拔洛州執其刺史邢行恭復攻邢馬師素自拔走遂圍慈州袁奉韜自殺不五日取三州斬首二萬級禽其將百餘人自是克用兵不出始全忠亟討衮鄆懼宏信貳故歲時賂遺良厚宏信每有饋答全忠引其使北面拜受兄事之宏信以爲厚已故推心焉進累檢校太師守侍中徙臨清郡王光化元年死年六十三贈太師追封北平王諡曰莊肅子紹威襲

羅衮龍泉人爲駕部郎中從李德裕平澤潞上疏論河朔諸藩偏強闢寺弄權數事命與令狐綯同議累官至尙書吏部侍郎參知政事進階銀青光祿大夫

羅珣越州會稽人寶應初詣闕上書授太常寺太祝曹王

臯領江西荆襄節度使常署幕府遷累副使臯卒軍亂劫府庫珣取首惡十餘人斬以徇環棘廷中俾投所劫庫物一日皆滿乃貫餘黨名爲奉天令中官出入保道吏緣以犯禁珣榜笞之雖死不置自是屏息擢廬州刺史民間病者捨醫藥禱注祀珣下令止之修學宮政教簡易有芝草白雀淮南節度使杜佑上治狀賜金紫服再遷京兆尹請減平糶半以常賦充之人賴其利以老病求解徙太子賓客累封襄陽縣男卒諡曰夷

羅讓字景宣珣子也以文學蚤有譽舉進士宏辭賢良方正皆高第爲咸陽尉父喪幾毀滅服除布衣糲飯不應辟署十餘年淮南節度使李鄴卽所居敦請置幕府除監察御史位給事中累遷福建觀察使兼御史中丞有仁惠名或以婢遺讓者問所從答曰女兄九人皆爲官所賣留者

氏姓譜

卷七十一

五歌 羅氏

九

獨老母耳讓慘然爲爨券名母歸之入爲散騎常侍拜江

西觀察使卒年七十一贈禮部尙書

羅道琮蒲州虞鄉人慷慨尙節義貞觀末上書忤旨徙嶺表有同斥者死荆襄間臨終泣曰人生有死獨委骨異壤也道琮曰吾若還終不使君獨留此瘞路左去歲餘遇赦歸方霖潦積水失其殯處道琮慟諸野波中忽若溢沸者道琮曰若屍在可再沸祝已水復湧乃得屍負之還鄉尋權明經仕至太學博士爲時名儒

羅思遠一名公遠鄂州人能自隱帝學不肯盡其術試自

隱常餘衣帶及思遠共試則驗厚錫金帛然卒不得帝怒裹以幘壓殺之數日有中使者自蜀還逢思遠駕而西笑曰上爲戲何虐也

羅周翰宏信孫紹威子也襲父位連娶梁祖安陽金華二

公主又娶末帝女壽春公主官至司農卿卒

羅隱字昭諫餘杭人容貌寢陋隱居池州梅根浦自號江東生工詩長於詠物爲宰相鄭畋李蔚所知光啟中錢鏐厚禮之辟爲錢塘令懼其加害不得已就之後歷節度判官副使朱溫名爲諫議不行開平中魏博羅紹威學隱爲詩與通譜系自號其文爲偷江東集表授給事中令狐綯子瀉登第隱以詩賀綯喜曰吾不喜瀉登第喜得隱詩耳其爲人所重如此年八十餘卒有甲乙集十卷從父則鹽鐵小吏生二子鄴虬鄴尤工七言詩虬詞藻富贍與齊名世號三羅然隱才雄而疎鄴才清而敏遭亂仕皆不顯羅鄴詩中虎也光化中韋莊奏詞人才士時有遺賢不沾一命于聖朝徒作千年之恨骨如李賀陸龜蒙羅鄴方千賈島溫庭筠劉德仁皆有奇才伏望追賜進士及第贈補

氏姓譜

卷七十一

五歌 羅氏

十

闕拾遺

羅虬李孝恭籍中有紅兒善肉聲虬請之歌不答虬怒拂衣而去詰旦爲絕句百篇號比紅兒

羅穎南昌人應舉下第道經漢祖廟題云項羽英雄猶不懼可憐容得辟陽侯少頃輒自免冠鞠伏廟廷口陳自咎之言掖而去數日卒

羅通微醴晉人少時採薪山中遇閻使君家謂曰子骨相嶮則可學長生遂冠褐入五老山學步虛絕粒唐貞觀中忽一日謂人曰我歸明日大會土庶萬人俄雷震地下青龍躍出通微遂跨而登仙

羅向廬州人少貧困常投福泉寺隨僧飯二十年間持節歸鄉書僧房云二十年來此布衣鹿鳴西上虎符歸故時賓從追前事到處松杉長舊圍野老共遮官路拜沙鷗遙

認隼旗飛春風一宿琉璃殿惟有泉聲惱素機

羅彥瓌太原人父全德晉泌州刺史以蔭補內殿直開運初契丹圍大名少帝幸澶州欲賫詔宣慰大名城中特選勇敢士十人彥瓌與王彥昇同應募銜枚夜發衝突而入往返如期各遷近職開運末命送廐馬千匹赴幽薊至元氏聞漢祖起以馬歸太原漢祖嘉之入汴擢爲護聖指揮使周初由散員都虞候爲馬步軍都軍頭從向訓收秦鳳有功遷都虞候陳橋之變諸將整兵擁太祖自仁和門入俄頃宰相范質等至尙未及對彥瓌挺劍而前厲聲曰我輩無主今日必得天子太祖叱之不退質等相對無言事定論功擢爲控鶴左廂都指揮使改內外馬軍都軍頭領眉州防禦使從平澤路破李筠衆於碾子谷還爲侍衛步

氏姓譜

卷七十一

五歌

羅氏

七

軍都指揮領武信軍節度使建隆二年出鎮彰德軍乾德二年復改安國軍與李繼勳大破契丹兵四年春又與田欽祚殺太原軍千餘人于靜陽禽其將鹿英等獲馬三百匹明年移鎮華州開寶二年卒年四十七

羅點字春伯江西崇仁人六歲能文登淳熙進士授定江軍節度推官遷校書郎兼國史編修歲旱應詔言陛下禱祀羣祠宥赦有罪曾不足以感動及朝采讜言夕得甘雨天心所示昭然不誣獨不知其所求言果欲用之否乎如欲用之願以所上封事反覆詳熟當者審而後行疑者咨而後改如此則治象日著而亂萌自消矣遷祕書郎兼皇太子官小學教授皇孫英國公聽講至晡時不輟左右請少憩點謂年少務學恒人猶難奈何止之因披古事勸戒爲鑑古錄以進擢戶部員外郎孝宗諒闇太子參決庶務

以黜兼侍讀使浙右還遷起居舍人兼侍立修注官光宗
改太常少卿使金告卽位會彼國有喪使易袍帶不從
又詰以不當輒言寶位黜曰聖人之大寶曰位不加寶字
何以別於至尊金人不能奪使還諭曰卿舊僚非他人比
有所欲言毋憚啓告黜言君子得志常少小人得志常多
蓋君子志在天下國家而不在於一己故行必直道言必
正論往往不忤君上則忤貴近不忤當路則忤時俗若小
人志在一己而不在天下國家故所行所言皆取悅之道
用其所以忤而能得志者鮮矣用其所取悅而不得志亦
鮮矣昔明王知此於君子則極所以主張而覆護之於小
人則盡所以燭察而隄防之今道塗之言皆謂陛下每日
視朝勉彊聽斷意不在事凡宰執奏陳備禮應答侍從庶
僚備禮登對而宮中燕遊之樂錫賚奢侈之費騰於衆口

氏姓譜

卷七十一

五歌

羅氏

十一

此聲豈可聞於敵國又言嘉王年及弱冠此正親師取友
進德修業之時宜擇端良忠直之士參伴燕閒遂除黃裳
翊善車駕朝重華宮旣而中輟點奏三綱五常所係甚大
自天子達於庶人節序拜親無有關者豈今以爲常事而
反忽之上猶豫未決復奏常人於朋友且不可以無信况
人主事親已涓日過宮壽皇必引領而望萬一思念成疾
陛下將何以自解於天下哉又言竊聞嘉王生朝以報劬
勞之德稱壽禁中父子歡洽寧不動心皆不聽乃屢求去
不許轉權兵部尙書駕將幸玉津園又奏陛下爲子四十
餘年一無閒言祇緣郊祀違豫因此督過讒間遂生臣謂
壽皇與天下相忘久矣以今大臣同心輔政百執事奉法
循理宗室戚里三軍萬姓皆無貳志乃至陛下獨虧子道
衆口謗讟設有禍患不可不慮上言卿等可爲朕調護點

言父子之親何俟調護若但一出卽當釋然上猶未行諭以朕心未嘗不思壽皇點復率講官言陛下雖有此心何以自白會壽皇有疾隨宰執求對閣門吏止之點叱而入上拂衣起點亟前泣奏壽皇疾已危不及今一見後悔何及羣臣隨上至福寧殿內侍閣門衆慟哭而退越三日復隨班起居詔獨引點入奏前日迫切獻忠舉措失禮上言故事引裾尚可何得輒入宮禁乎點引辛毗事以謝壽皇崩請上執喪許而不出前後共侍從列奏凡三十五自上奏者十六其奏疏重華上書嘉王及面對口奏咸不豫焉寧宗嗣位人心始定拜端明殿學士簽書樞密院事九月有事明堂扈從齋宮得疾卒年四十五贈太保諡文恭爲人天性孝友端介有守無矯激崖異之行義利之辨皎如日星或言天下事非才不辦點曰尤當先論其心心苟不

氏姓譜

卷七十一

五歌

羅氏

七

正才雖過人何足取趙汝愚泣言點與黃裳相繼淪謝非二臣不幸乃天下之不幸也

羅願字端良歙縣人博學好古法秦漢爲詞章高雅精練朱熹特稱重之有小集七卷爾雅翼二十卷知鄂州有治績以父汝楫附秦檜不敢入岳飛廟會當侍祠甫拜卒于像前

羅拯字道濟祥符人登進士歷官知榮州城介兩江間每漲輒圮拯爲作東西二隄患遂息選知秀州除江西運判掇點福建形獄典泉水壞廬舍請勿征海運竹木經一年民居皆復遷轉運使卽武之光澤不權酷以課賦民號黃麴錢拯均之三邑人以爲便高麗自天聖後職貢絕至是其王欲命與泉商黃謹俱來拯轉以聞神宗許之遂遣金悌入貢自此復通中國改江淮發運副使先是官吏避

謹不受陳粟故無積倉漕舟繫岸下入米卽行至拯始於江淮建倉凡米有不可上供者積以廩軍貯浙西米於潤倉以時運至自是漕增而費省加天章閣待制轉正使居職七年徙知永興軍歷青穎秦三州卒年六十五拯性和柔有曲直不校與運副皮公弼不協御史劾公弼貸官錢拯力爲辯理諫官錢公輔嘗攻拯短其姻黨在部內拯往往薦進之或譏其以德報怨拯曰彼以所見異故不協此以所職舉故盡言吾何尤哉時論復其長者

羅必元字亨父進賢人登嘉定進士調咸寧尉撫州司法參軍宗仁丞復攝司法郡士會極以題金陵行宮龍屏迺史彌遠謫道州解吏道窘極必元爲釋其縛使達戍所眞德秀入參大政遺以書曰老醫嘗云傷寒壞證惟獨參湯可救然活者十無二三先生其今之獨參湯乎調福州觀

氏姓譜

卷七十一

五歌 羅氏

志

察推官李遇奪民荔枝園必元懲以法遇恨之後爲言官劾罷必元調知餘干縣福王府驕橫前後宰貳多爲擠陷必元無所撓趙汝愚墓占四周民山爲直之言于州曰區區小官罷去何害人益壯其風力淳祐中通判贛州論賈似道總領京湖剋剝至甚蠹國脈傷民命似道銜之改知汀州爲丁大全按去後起幹行在糧料院錢塘有海鰐爲患詔方士往治都人鼓扇成風必元上疏立止度宗卽位以直寶章閣兼宗學博士致仕卒年九十一嘗從危稍包遜學最有淵源見理甚明風節甚高旣死鄉人猶尊慕之羅從彥字仲素羅源人曾祖文弼祖世南父神繼從彥幼穎悟不爲言語文字之學及長嚴毅清苦篤志求道徒步往從楊時受業見三日卽驚汗浹背曰不至是幾虛過一生矣時弟子千餘人無及從彥者嘗講易至乾九四爻告

以曩聞伊川說甚善從彥卽裹糧走洛見而問之願反覆以告亦不外是乃歸卒業盡得不傳之祕時嘗語以今之學者只爲不知爲學之方又不知學成要何用此須是著力來實見聖賢所得之道若只要博古通今爲文章作忠信愿慤不爲非義之事則古來如此等人不少且如東漢處士名節有聞者多責以古聖賢之道則畧無毫髮相似以彼於道初未有聞故也方今學者平居則曰吾當爲古人之所爲纔有事到手便措置不得由是觀之學而不聞道猶不學也又嘗教學者讀書之法以身體之以心驗之從容默會於幽閒靜一之中超然自得於書言象意之表蓋其所得者如此時之壻沙縣陳淵嘗語之必竟日乃返語人曰自吾交仲素日間所不聞其與學清節真南州冠冕旣而築室羅浮山中絕意仕進終日端坐以體念天地

氏姓譜

卷七十一

五歌 羅氏

五

萬物之理間謁時將樂溪上吟咏而歸充然自得著遵堯錄述祖宗以來宏規懿範及名臣碩輔論建謨畫下至元豐功利之人紛更憲度貽患國家撮要提綱無非理亂安危之大其論治曰祖宗法度不可廢德澤不可恃廢法度則變亂之事起恃德澤則驕佚之心生自古德澤最厚莫若堯舜苟爲可恃必傳其子文武成康法度至明向使子孫世守其遺緒雖至今存可也又曰君子在朝則天下治蓋君子常有亂世之言使人主多憂而善心生故治小人在朝則天下亂蓋小人惟效治世之言使人主多樂而怠心生故亂又曰天下之變不起於四方而起於朝廷譬如八傷元氣則寒暑易侵木傷蠹蝕則風雨易折故內有李林甫盧杞之姦則外必有安祿山朱泚之亂論士行曰周孔之心使人明道學者果能明道則周孔之心深自得之

上世人才惟能如是故視死生去就如寒暑晝夜之常而忠義行之者易至漢董仲舒公孫宏倡言經術唐韓愈柳宗元誇尚古文二者漸失周孔之心於是明道者寡視死生去就如萬鈞九鼎之重而忠義行之者難其議論醇正類此晚始就特科授博羅主簿卒於官年六十四世稱豫章先生淳祐間謚文質一子敦叙

羅處約字思純華陽人伯祖袞唐末諫官父濟仕蜀歸朝除開封司錄太宗尹京嘉其彊幹官至太常丞卒太平興國初兄賁舉進士上知濟子置高等至員外郎入年處約復登第與鄉士嚴儲同年俱有名嘗作論曰世嘗病太史公論道德先黃老而後六經約以爲不然道者無不由也混成而先兩儀至虛而應萬物降而爲聖人與天地準故黃老姬孔通稱焉六經所以明道德也太上之德史傳詳

氏姓譜

卷七十一

五歌

羅氏

六

矣老聃世謂方外之教然而與六經皆足以治世觀其清淨則得之矣孰先而尊孰後而卑其說多類此初調臨渙主簿遷大理評事知吳縣日與王禹偁詩什唱酬蘇杭間多傳誦後並名赴闕上自定題試之以爲著作郎直史館賜緋魚應詔上言今三司非古制也乃唐中葉之後兵寇相仍河朔不王故自尙書省分三司以董賦調筦權之所出國用所須朝務爲急故僚吏之屬倚注尤深重其位以處之優其祿以寵之是致淺近之人用指瑕爲心計深識之士以剋剝爲身謀蠹弊相沿爲日已久今聖朝之政臻乎治平當求稽古之規以爲垂世之法請依六典舊儀復尙書都省丞正員外郎主事令史之屬以今三司錢刀粟帛筦權支度之事均在二十四司俾各有司存可以責其集事上謂相沿已久難於改更未幾爲荆湖路巡撫使所

至以苛察立各官吏多被黜責淳化三年卒年三十三處
約形神豐頤兼富詞藻見者知重有東觀集十卷禹偁爲
序蘇易簡表上之詔付史館

羅開禮宋末爲武岡教授起兵復永豐縣已而兵敗被執
死於獄文天祥聞其死制服哭之

羅宗之衡州人咸淳辛未進士宋末由衡徙邵之中鄉買
山而隱構永慕堂厝父南海簿忠於白石見青雲觀得清
泉宗之爲銘其同舉進士邑人裴濟篆石

羅尙行字元亨廬陵人紹興間知東安縣廉介多惠政祀
名宦其子全畧復爲永郡戶曹攝縣事

羅全畧字仲謀廬陵人尙行子也乾道進士任永州司戶
參軍湖南歲飢賑荒多所全活

羅仲儒字幼卿寧鄉人紹熙進士爲邠州司理參軍後召
氏姓譜 卷七十一 五歌 羅氏 七

試館職除集賢校理擢戶部員外郎兼右諭德以文章著
聲

羅承之巴州清化人幼雄特好兵畧乾德中文協率衆攻
閩巴承之竭貲募士擒文協太祖名見賜感義軍節度使
兼知巴州會孫士堯事母以孝聞家產盡遺姪之孤者

羅孝芬字廷揚平江人宣和間居側有大柿樹雷折之火
燎有文成羅狀元字下有三點人莫能測明年孝芬舉甲
科第三人始悟其兆云後擢吏部郎中靖康初致仕歸建
書錦橋秀野亭當世樂之

羅克開字達甫知袁州事至立斷無留滯洞寇李元勵猖
獗羽檄交馳克開靖以安之民不驚擾

羅戩通州人以剛直聞鄉里遊太學進孫吳二書徽宗特
命爲武學諭上幸學百官先集蔡京於坐談兵戩心哂之

昂視屋角不聽其語觸怒奪官自號觀光山人

羅志冲合州人潛心六經最精於易作解發明程氏爲多
羅昇宜春人少貧業屠狗晚乃貨藥市中遇異人授以方
術年幾百忽一日辭親戚奄然而逝時政和二年也後有
客見其在瀏陽市貨藥有書寄鄉人驗其日乃其沒之明
日也

羅晏閬州人兒時牧山下見二道人奕晏捨牧觀之道人
出囊中餅與之晏食已歸家覺腹中如燎因發狂累日自
是惟飲水數日不一食預言禍福無不驗宋宣和中賜靜
應處士張浚延至軍中晏曰相公勿恐明日虜退果然加
號太和冲夷先生蜀人相傳壽至一百七十八云
羅守成紹定中知廉州愛民禮士百廢修舉築城壘創貢
闈賑貧乏施藥劑力可到處靡不爲之郡人立祠祀焉

氏姓譜

卷七十一

五歌

羅氏

六

羅居通益州成都人母死廬墓三年有甘露芝草之瑞開
寶中詔以爲延長主簿大中祥符初降詔旌表

羅威字德仁番禺人事母至孝遇寒先以身温席隣家牛
犯其稼威刈芻納其門牛家相諭莫犯每遇老者負於途
率代其任令異其行除吏不就遂與母遁居增城母沒盡
哀有白鹿止于墓側

羅復銅陵人嘗知胙城縣值靖康亂率吏民禦敵至傷肌
體終不去職朝廷以忠義褒之

羅薦可字養蒙沙縣人紹興二十一年知高安郡事政務
修舉民輸納令自便及遷州學於鳳山宅高明而遠躋俗
後更常州士民思之

羅博文字宗約沙縣人從學李延平得道學之傳尋以薦
參議軍府政卒於嘉州官舍囊無餘貲有書數千帙而已

同門朱嘉狀其行

羅或字仲文長汀人第進士契丹入寇真宗親征或扈從至澶淵與宰相參議軍機契丹乞和遣或爲報使還京丐歸里賜錦衣金帶錦旂還鄉領本州刺史

羅適字正之寧海人舉進士歷知五縣提點兩浙京西刑獄終朝散大夫爲政簡肅嘗修大石湖灌田千餘頃居數月政化大行及代法民思之爲立生祠有易說赤城集一百卷行世

羅彥輔字經世當塗人嘉祐進士歷江都湖口令皆以廉稱後知池州屬歲旱以荒政從事奏課第一嘗誡子曰我以清白遺爾曹萬一至餽粥不給亦不可少屈人以姑溪水况其清德及卒人過溪上者歎曰羅公何在溪水如故相與躊躇不忍去

氏姓譜

卷七十一

五歌 羅氏

九

羅孟郊興寧人生而穎異早喪父事母孝兒時牧牛長陂莊坐讀書有山人過奇之與語孟郊告以父喪貧未葬山人指示地遂從葬焉弱冠結廬羅嶺以學鄉子弟從之孟郊指授篤至邑始多學者善書札洗硯池水盡黑人稱曰墨池天聖八年舉進士第三人累官諫議大夫翰林學士乞歸養母弟畢蕭然母冬月思鱸孟郊解衣入池取魚供母鄉人名其池爲會子湖卒衆立祠祀之

羅善同字信遠上高人自幼勤詩書友善類明道先生嘗貽書云人之所以爲君子在不失其本心要嘗自點檢勿使一毫私意間之斯可到聖賢地位矣自號純古先生

羅疇字疇老元祐初爲滁州刺史或曰辟僻疇曰此歐公之醉鄉也庶子紫薇香泉萬斛以爲供給瑯琊幽谷白雲千頃以爲職田何謂貧僻邪明年治癖宇於堂前植蘭數

于本記之曰蘭之德有道君子也予之於蘭猶賢朋友朝襲其馨暮擲其英攜書就觀引酒對酌

羅祝字叔和長汀人閉戶讀書人罕識面貫穿經史雖註疏亦皆研究元祐間朝廷行十科祝以明經中第調漳州

法曹本路漕按行欲秉燭入庫祝堅執於律不可漕遂止嘗釋六經及註唐書尤精於律數終明州觀察推官

羅烈字子剛長汀人紹興初循州興寧令會郡盜出沒一出笑入縣執烈去烈不為動以理論之賊不敢加害乃送

還邑未幾賊黨又復合烈率民兵千餘直搗其壘大破之羅長庚字偉正宜春人進士歷官寺丞出知永州迎其父

以養因各州署之後堂曰戲綵邦人思之頌孝德焉待制胡寅記

羅尚友字明善萍鄉人少負俊才文章倚馬可待嘗謁閣

氏姓譜 卷七十一 五歌 羅氏 三

門使蕭注令其賦詩有人間酒客兼詩客天上文星與將星句後登進士第授武昌軍節度推官時李常以中丞為

帥每燕集必召尚友凡樂語詩詞皆即席而成因目為席上才子

羅之紀字國張號筠心處士瑞陽人孝宗朝攝邑雲夢因見雪壓庭竹賦詩云吾道非邪真可恥此君豈是折腰人

棄官歸遇方士授丹經修養法葺一室扁以子午靜逸成趣有易傳三卷文集二十卷

羅天酉字恭甫新昌人登開慶進士以格非心去非人對策忤丁大全擯外歷官知懷柔縣有惠政丁父憂有三釜

為親今莫及萬鍾於我復何加之句遂不起所著有柘岡文集

羅道成慶歷中遊嶽麓題詩云白驃代步若奔雲聞人所

至留詩迹欲知各姓問源流請看柳陽山下石後問鄉人
言有真人得道乘白騾行石壁上其跡至今存焉

元

羅璧字仲玉鎮江人父大義爲宋將璧年十三而孤長從
朱禩孫入蜀累官利州馬步軍副總管禩孫移荆湖璧從
之至江陵右丞阿里海牙軍至江陵璧從禩孫降授管軍
千戶討欵寇有功領本州安撫事至元五年從元帥張宏
範定廣南擢管軍總管鎮金山居四年移鎮上海督造海
舟國家始建都燕去江南極遠而百司庶府之繁衛士編
民之衆無不仰給江南十二年始運江南糧初自浙西涉
江入淮由黃河逆流至中灤旱站陸運至淇門一百八十
餘里入御河以達京後又自任城分汶之西北流至須城
之安民山入清濟故瀆通江淮漕經東阿至利津河入海
氏姓譜

卷七十一

五歌

羅氏

三

由海道至直沽後因海口沙壅又從東阿陸轉二百里抵
臨清下漳御至京嗣又開膠萊河道通海勞費不貲訖無
成効十九年用丞相伯顏策初事海道漕運抵直沽以達
京城立運糧萬戶三以璧與朱清張瑄主之乃首部漕舟
由海洋抵楊村不數十日而達京師初運四萬六千石次
年卽增至二十九萬五百石民無輓輸之勞國有儲蓄之
富視河漕之數所得蓋多乃顏叛璧以漕舟自遼陽浮海
抵錦州小凌河至廣寧十寨諸軍賴以克濟除都水監通
州故多水患鑿二渠以分水勢又浚阜通河廣之歲增漕
六十餘萬石奉命括兩淮屯田得疾歸鎮江卒

羅郭佐石城人以平海寇功授廉州路總管子震敦化州
路總管次子奇雷州路同知奇子元珪孫仕顯襲雷州路
同知一門祖孫父子兄弟皆先後死難粵人稱爲羅五節

羅良長汀人以散資募士捕殺漳山寇提兵解福州圍功
爲閩將第一又數從海道漕粟京師賜爵晉國公時陳有
定主閩事良貽之書曰足下向爲參政國之大臣克復汀
州固其本職燕只平章僚長也足下迨之郡邑之長朝命
也足下竄之百司朝廷之役也足下臣妾之足下所收復
郡邑得其倉庫入爲家資口言爲國心實爲身耳跬步之
間眞僞甚明不審足下將爲郭子儀抑爲曹孟德邪有定
大怒發兵攻漳境良迎戰馬岐山敗績進圍漳城良堅守
旬月死之

羅明遠廬陵人陳友諒陷吉安官吏潰散明遠獨敢死
士三百餘大呼巷戰城東殺寇數百人餘衆悉遁恢復郡
城以負重傷死於陣

氏姓譜

卷七十一

五歌

羅氏

三

羅次炯明遠同邑人亦倡義被寇擒備極慘酷死

羅元字居仁平江人從容澹靜行楷有晉人風致

羅大琦字國用益陽人仕元爲萬戶有保障功至正間征

辰州黃草尾力戰死於陣

羅長卿安鄉舉人爲襄陽路總管倪文俊之亂有保障功
時兵荒相繼長卿家資鉅萬賑貸全活者甚多

羅敬甫元統中監博羅縣事爲政本於愛人重修學宮討
平寇城民德之

明

羅復仁吉水人少嗜學陳友諒辟爲編修已知其無成遁

去謁太祖於九江留置左右從戰鄱陽齋蠟書諭降江西

未下諸郡授中書諮議從圍武昌太祖欲招陳理降以復

仁故友諒臣也遣入城諭且曰理若來不失富貴復仁頓

首曰如陳氏遺孤得保首領俾臣不食言於異日臣死不
恨太祖曰汝行吾不汝誤也復仁至城下號慟者竟日理
繩之入見理大哭陳太祖意且曰大兵所向皆摧不降且
屠城中民何罪理聽其言遂率官屬出降遷國子助教以
老特賜乘小車出入每宴見賜坐飲食已復使擴廓前使
多拘留復仁議論慷慨獨得還洪武元年擢編修復偕主
事張福往諭安南還占城侵地安南奉詔遣復仁金貝土
產甚厚悉却不受帝問而賢之三年置宏文館以復仁爲
學士與劉基同位在帝前率意陳得失嘗操南音帝顧喜
其質直呼爲老實羅而不名間幸其舍負郭窮巷復仁方
壘壁急呼其妻抱扞以坐帝帝曰賢士豈宜居此遂賜第
城中天壽節製水龍吟一闕以獻帝悅厚賜之尋乞致仕
陛辭賜大布衣題詩衣襟上褒美之已又名至京師奏減

氏姓譜

卷七十一

五歌 羅氏

三

江西秋糧報可留三月賜玉帶鐵拄杖坐墩裘馬食具遣
還以壽終

羅汝敬名簡以字行復仁孫也永樂二年庶吉士就學文
淵閣誦書不稱旨卽日遣戍江南數日復之自此刻厲爲
學累遷侍講仁宗時上言時政十五事忤旨下獄旣與李
時勉同改御史直聲震一時宣宗初上書大學士楊士奇
曰太祖高皇帝奄有四海太宗文皇帝再造寰區然猶翼
翼兢兢無敢豫忘先皇帝嗣統未及期月奄棄羣臣務厥
所由皆儉壬小夫獻金石之方以致疾也去冬簡以愚慙
應詔上書言涉不敬罪當萬死先皇帝憐其孤直寬雷霆
之誅俾居言路撫躬循省無可稱塞伏見今年六月車駕
幸天壽山躬謁二陵京師之人瞻望咨嗟以爲聖天子大
孝旣而道路喧傳禮畢卽較獵講武扈從惟也先上千與

其徒數百人風馳電掣馳逐先後某聞此言心悸膽落夫
菟苗獮狩固有國之常經然以謁陵出而與降將較獵於
山谷間垂堂之戒銜際之虞不可不深慮也執事四朝舊
臣二聖元輔於此不言則就而言之者惟特加採納以
宏靖獻之思光弼直之義尋擢工部右侍郎兩使安南時
黎利言其主陳暲已死而張筵設女樂汝敬叱之利懼謝
還督兩浙漕運理陝西屯田多所建置坐受餽充爲事官
英宗立遇赦汝敬誤引詔復職復逮繫以在陝措置勞宥
死戍邊尋復職蒞故任塞上有警汝敬往督餉遇敵紅城
子中流失墜馬得免以疾告歸卒

羅性字子理泰和人洪武初舉於鄉授德安同知有大盜
久不獲株連繫獄者數百人性至郡悉出所繫約十日得
賊卽盡貸衆叩頭願盡力七日果得嘗治蔬圃得窖鐵萬
氏姓譜 卷七十一 五歌 羅氏 四

餘斤會方賦鐵造軍器民爭求售性曰此天所以濟民也
吾何預焉悉以充賦秩滿赴京坐用棗木染軍衣謫戍西
安性博學時四方老師宿儒在西安者數十人吳人鄒奕
曰合吾輩所讀書庶幾羅先生之半年七十卒

羅璟字仲明泰和人天順末進士及第授編修進修撰預
修宋元通鑑綱目累官洗馬孝宗爲太子簡侍講讀母喪
歸璟與尙書尹旻子侍講龍同娶於孔氏旻得罪李致省
指璟爲旻黨調南京禮部員外郎孝宗嗣位王恕等言璟
才乃授福建提學副使宏治五年名爲南京祭酒久之卒
羅通字學古吉水人永樂十年進士授御史巡按四川都
指揮郭贊與清軍御史汪琳中交通爲奸利通劾奏逮治
之三殿災偕同官何忠等極陳時政闕失忤旨出爲交趾
清化知州宣德元年黎利反王通戰敗植傳檄討清化逆

西界賊賊方圍清化通與指揮打忠堅守乘間破賊殺傷甚衆賊將遁而檄至通曰吾輩殺賊多出城必無全理與就縛曷若盡忠死乃與忠益固守賊久攻不下令降將蔡福說降通登陣大罵賊知城不可拔引去乃還京宣宗大獎勞之改戶部員外郎出理宣府軍餉奏言朝議備餉開平令每軍運一石又當以騎士護行計所費率二石七斗而致一石今軍民多願輸米易鹽請捐舊例五分之二則人自樂輸餉足而兵不疲帝可之正統初遷兵部郎中從尙書王驥整飭甘肅邊務從破敵於兀魯乃還以貪淫事爲驥所覺驥遣通奏邊情卽疏通罪下獄謫廣西容山關官已調東莞河泊所官九年都督僉事曹儉薦其有文武才乞收用吏部執不可景帝監國以于謙陳循薦起兵部員外郎守居庸關俄進郎中帝卽位進右副都御史也先

氏姓譜

卷七十一

五歌 羅氏

三

犯京師別部攻居庸甚急天大寒通汲水灌城冰堅不得近七日遁走追擊破之景泰元年召還時楊洪督京營命通參軍務兼理院事言諸邊報警率由守將畏徵調餽詐以惑朝廷遇賊數十輒稱殺敗數千向者得勝等門外不知斬馘幾何而獲官者至六萬六千餘人輦下且然何況塞外且韓信起自行伍穰苴拔於寒微宜博搜將士中如信直者與議軍事若今腰玉珥貂皆苟全性命保爵祿之人憎賢忌才能言而不能行未足與議也意蓋詆謙與石亨輩謙疏辨言槩責邊報不實果有警不奏必致誤事德勝門外官軍升級惟武清侯石亨功次冊當先者萬九千八百餘人及陣亡三千餘人而已安所得六萬之多通以爲濫宜將臣及亨等陞爵削奪有如韓信穰苴者乞卽命指薦并罷臣營務俾專治部事疏下廷議廷臣共言謙及

石亨楊洪實堪其任又謂通志在滅賊無他帝兩解之尋
敕謙錄功不得如從前冒濫蓋因通言而發也給事中覃
浩等言通本以知兵用不宜理院事乃解其兼職塞上軍
民多爲寇所掠通請榜諸邊能自歸者軍免戍守三年民
復徭役終身又請懸封爵重賞募能擒斬也先伯顏帖木
兒喜寧者已又言古之將帥務搜拔衆才如知山川形勢
者可使導軍能騰高越險者可使覘敵能風角占者可
使備變今軍中未見其人乞敕廷臣各舉所知命總兵官
楊洪副將孫鏗同臣考驗詒皆行之宣府有警總兵官朱
謙告急廷推都督同知范廣帥兵往以通提督軍務寇退
駐師懷來宣府以邊儲不敷名還六月于謙以山西近寇
請遣大臣往鎮楊洪亦乞遣重臣從雁門關護餉大同帝
以命通通不欲行請得與謙洪俱謙言國家多難非臣子

氏姓譜

卷七十一

五歌

羅氏

六

辭勞之日奏乞躬往帝不允卒命通通本謙所舉而每事
牴牾人由是不直通二年召還仍贊軍務東宮改建加太
子少保上言貢使攜馬四萬餘匹宜量增價酬之價增則
後來益衆此亦強中國弱外裔之一策帝以所貢馬率不
堪用若增價正墮賊計寢通奏四年進右都御史贊軍務
如故通好大言遇人輒談兵自陳殺賊功求世襲武職爲
給事中王竑所劾帝釋不罪天順初自陳預謀迎駕恐爲
石亨等所掩乃授其二子所鎮撫三年致仕成化六年卒
賜祭葬如例

羅琦磁州人宣德五年進士英宗卽位授御史按直隸福
建有能名正統九年參贊寧夏軍務踰年當代軍民詣鎮
守都御史陳鑑乞留以聞命復任尋擢大理右寺丞參贊
如故常以事劾指揮任信陳斌二人皆王振黨十一年四

月信斌許綺不法事下總兵官黃真覆覈真謂綺常詈宦
官爲老奴以激怒振名還京法司擬贖振改令錦衣衛再
鞫指揮同知馬順鍛鍊成獄謫戍遠東景帝立綺訴寃不
聽尋用尙書于謙金濂薦名復故官進右少卿副李實使
瓦剌上皇還以勞擢刑部左侍郎明年二月出督雲南四
川軍儲已代寇深鎮守松潘賊首卓勞糾他若阿兒結等
頻爲寇綺禽斬之土官王永高茂林董敏相讐殺守將不
能制綺擣永巢誅之又敗黑虎諸寨番斬馘三百五十在
鎮七年威名甚震天順初名爲左副都御史以功賜二品
祿御史張鵬楊瑄劾石亨亨謂綺與右副都御史耿九疇
使之并下獄降廣東參政綺快快未赴明年閏二月綺鄉
人告磁州同知龍約自京還與綺言天子仍寵宦官刻香
木爲王振形以葬綺微笑云朝廷失政致吾輩降黜奏上

氏姓譜

卷七十一

五歌

羅氏

七

捕綺下吏坐死籍其家陳所籍財賄于文華門示百官家
屬戍邊婦女沒入浣衣局憲宗立赦爲民還其資產

羅以禮桂陽人永樂十三年進士由郎中知西安府遭喪
補給典再以喪去代者不稱職部民追思乞以禮於朝詔
起復視事歲滿進秩復任已移知建昌所至皆有惠愛歷
三郡凡二十七年乃致仕

羅旦以禮子中景泰癸酉鄉試授重慶府通判居官清慎
士民戴之

羅亨信字用實東莞人永樂二年進士改庶吉士授工科
給事中出視浙江水災奏蠲三縣租進吏科右給事中坐
累謫交趾爲吏居九年仁宗嗣位始召入爲御史覈通州
倉儲巡按畿內清軍山西皆有聲宣德中有薦其堪方面
者命食按察僉事俸待遷英宗卽位之三月擢右僉都御

史練兵平涼西寧正統二年蔣貴討阿台朶兒只伯亨信
參其軍務至魚兒海貴等以芻餉不繼留十日引還亨信
讓之曰公等受國厚恩敢臨敵退縮耶死法孰與死敵貴
不從亨信上章言貴逗遛狀帝以其章示監督尙書王驥
等明年進兵大破之亨信以參贊功進秩一等父喪歸葬
還朝改命巡撫宣府大同參將石亨請簡大同民三之一
爲軍亨信奏止之十年進右副都御史巡撫如故時遣官
度二鎮軍田一軍八十畝外悉徵稅五升亨信言文皇帝
時詔邊軍盡力墾田毋徵稅陛下復申命之今奈何復爲
此舉塞上諸軍防邊勞苦無他生業惟事田作每歲自冬
徂春迎送瓦刺使臣三月始得就田七月又復刈草八月
以後修治關塞計一歲中曾無休暇况邊地磽瘠霜早收
薄若更徵稅則民不復畊必致竄逸計臣但務積粟不知

氏姓譜

卷七十一

五歌

羅氏

二八

人心不固雖有粟將誰與守帝納其言而止初亨信嘗奏
言也先專候豐端以圖入寇宜預於直北要害增置城衛
爲備不然恐貽大患兵部議寢不行及土木之變人情洶
懼有議棄宣府城者官吏軍民紛然爭出亨信仗劍坐城
下令曰出城者斬又誓諸將爲朝廷死守人心始定也先
挾上皇至城南傳命啟門亨信登城語曰奉命守城不敢
擅起也先遂巡引去赤城鵬鵠懷來永寧保安諸守將棄
城遁竝按其罪當是時車駕旣北寇騎日薄城下關門左
右皆戰場亨信與總兵楊洪以孤城當其衝外禦強寇內
屏京師洪旣入衛又與朱謙共守勞績甚著著兜鍪處顛
髮盡秃景帝卽位進左副都御史明年年七十有四矣乞
致仕許之歸八年卒於家

羅僑字維升吉水人性純靜寡嗜慾受業張元禎講學里

中舉宏治十二年進士除新會知縣有惠愛正德初入爲大理右評事五年四月京師旱靈上疏曰臣聞人道理則陰陽和政事失則災沴作頃因京師久旱陛下特沛德音釋逋戍之囚弛株連之禁而齋禱經旬雨澤尚滯臣竊以爲天心仁愛未已也陛下視朝或至日昃狎衛羣小號噉達旦其何以承天心基大業乎文網日密誅求峻急盜賊白晝殺人百姓流移載道元氣索然科道知之而不敢言內閣言之而不敢盡此壅蔽之大患也古者進退大臣必有體貌黥劓之罪不上大夫邇來公卿去不以禮先朝忠蓋如劉大夏者謫戍窮邊已及三載陛下置之不問非所以待耆舊敬大臣也本朝律例參酌古今足以懲奸而蔽罪近者法司承望風旨巧中善類傳曰賞僭則及淫人刑濫則及善人不幸而過寧僭無濫今之刑罰濫孰甚焉願

氏姓譜

卷七十一

五歌 羅氏

元

陛下慎逸游屏玩好放棄小人名還舊德與在廷臣工宵旰圖治并敕法司慎守成律卽有律輕情重者亦必奏請裁決毋擅有輕重庶可上弭天變下收人心時朝士久以言爲諱僑疏上自揣必死輿櫬待命劉瑾大怒矯中旨詰責數百言令廷臣議罪大學士李東陽力救得改原籍教職其秋瑾敗僑尋召復官引病去宸濠反王守仁起兵吉安僑首赴義世宗卽位卽家授台州知府建忠節祠祀方孝儒延布衣張尺詢民間疾苦歲時循行阡陌課農桑講明冠婚喪祭禮境內大治嘉靖二年舉行卓異都御史姚鏞上書訟僑曰人臣犯顏進諫自古爲難曩八黨弄權逆瑾亂政廷臣結舌全軀自保而給事中劉滢評事羅僑殉國忘身發摘時弊幸存餘息遭遇聖朝謂宜顯加獎擢用厲具臣乃僑知台州滢知長沙使懷忠竭節之士淹於常

調臣竊爲朝廷惜之帝納其言擢僑廣東左參政僑辭部
牒敦趣不得已之官踰年遂謝病歸僑敦行誼動則古人
羅洪先居喪不廢講學僑以爲非禮遺書責之其峭直如
此

羅虞臣廣東順德人歷吏部主事好剛疾惡尋坐事斥爲
民旣歸結廬山中讀書纂述年僅三十五卒

羅倫字彝正吉安永豐人五歲嘗隨母入園果落衆競取
倫獨賜而後受家貧樵牧挾書誦不輟及爲諸生志聖賢
學嘗曰舉業非能壞人人自壞之耳知府張瑄憫其貧周
之粟謝不受居父母喪踰太祥始食鹽酪成化二年廷試
對策萬餘言直斥時弊名震都下擢進士第一授翰林修
撰踰二月大學士李賢奔喪畢奉詔還朝倫詣賢沮之不
聽乃上疏曰臣聞朝廷援楊溥故事起復大學士李賢臣

氏姓譜

卷七十一

五歌

羅氏

三

竊謂賢大臣起復大事綱常風化繫焉不可不慎曩陛下
制策有曰朕夙夜拳拳欲振大綱舉萬目使人倫明於上
風俗厚於下竊謂明人倫厚風俗莫先於孝在禮子有父
母之喪君三年不呼其門子夏問三年之喪金革無避禮
與孔子曰魯公伯禽有爲爲之也今以三年之喪從其利
者吾弗知也陛下於賢以爲金革之事起復之與則未之
有也以大臣起復之與則禮所未見也夫爲人君當舉先
王之禮教其臣爲人臣當守先王之禮事其君昔宋仁宗
嘗起復富弼矣弼辭曰不敢遵故事以遂前代之非但當
據禮經以行今日之是仁宗卒從其請孝宗嘗起復劉珙
矣珙辭曰身在草土之中國無門庭之寇難冒金革之名
私竊利祿之實孝宗不抑其情此二君者未嘗以故事強
其臣二臣者未嘗以故事徇其君故史冊書之爲盛事士

大夫傳之爲美談無他君能教臣以孝臣有孝可移於君也自是而後無復禮義王黼史嵩之陳宜中賈似道之徒皆援故事起復然天下壞亂社稷傾危流禍當時遺譏後代無他君不教臣以孝臣無孝可移於君也陛下必欲賢身在天下之事則賢身不可留口實可言宜降溫詔俾如劉珙得以言事使賢於天下之事知必言言必盡陛下於賢之言聞必行行必力賢雖不起復猶起復也苟知之而不能盡言言之而不能盡力行賢雖起復無益也且陛下無謂廟堂無賢臣庶官無賢士君孟也臣水也水之方圓孟實王之臣之直佞君實名之陛下誠於退朝之暇親直諫博洽之臣講聖學君德之要詢政事得失察民生利病訪人才賢否考古今盛衰舍獨信之偏見納逆耳之苦言則衆賢羣策畢萃於朝又何待違先王之禮經損大臣之

氏姓譜

卷七十一

五歌 羅氏

三

名節然後天下可治哉臣伏見比年以來朝廷以奪情爲常典縉紳以起復爲美名食稻衣錦之徒接踵廟堂不知此人於天下之重何闕邪且婦於舅姑喪亦三年孫於祖父母服則齊衰奪情於夫初無預其妻奪情於父初無干其子今或舍館如故妻孥不還乃號於天下曰本欲終喪朝命不許雖三尺童子臣知其不信也爲人父者所以望其子之報豈擬至於此哉爲人子者所以報其親之心豈忍至於此哉枉已者不能直人忘親者不能忠君陛下何取於若人而起復之也今大臣起復羣臣不以爲非且從而贊之羣臣起復大臣不以爲非且從而成之上下成俗混然同流率天下之人爲無父之歸臣不忍聖明之朝致綱常之壞風俗之弊一至此極也願陛下斷自聖衷許賢歸家持服其他已起復者仍令奔喪未起復者悉許終制

脫有金革之變亦從墨衰之權使任軍事於外盡心喪於
內將朝廷端則天下一大臣法則羣臣效人倫由是明風
俗由是厚矣疏入謫福建市舶司副提舉御史陳選疏救
不報御史楊琅復申救帝切責之尚書王勳以文彥博救
唐介事諷賢賢曰潞公市恩歸怨朝廷吾不可以效之亡
尙賢卒明年以學士商輅言名復原職改南京居二年引
疾歸遂不復出倫爲人剛正嚴於律已義所在毅然必爲
於富貴名利泊如也里居偕行鄉約相率無敢犯衣食粗
惡或遣之衣見道殮解以覆之晨留客飲妻子貨粟鄰家
及午方炊不爲意以金牛山人跡不至築室著書其中四
方從學者甚衆十四年卒年四十八嘉靖初從御史唐龍
請追贈左春坊諭德諡文毅學者稱爲一峯先生

羅喻義字湘中益陽人萬歷四十一年進士改庶吉士授

氏姓譜

卷七十一 五歌 羅氏

三

檢討請假歸天啟初還朝歷官諭德直經筵六年擢南京
國子祭酒諸生欲爲魏忠賢建祠喻義懲其倡者乃已忠
賢黨輯東林籍貫湖廣二十人以喻義爲首莊烈帝嗣位
名拜禮部右侍郎協理詹事府尋充日講官教習庶吉士
喻義性嚴冷閉戶讀書不輕接一客後見中外多故將吏
不習兵銳意講武事推演陣圖獻之帝爲褒納以時方用
兵而督撫大吏不立軍府財用無所資因言武有七德豐
財居其一正餉之外宜別立軍府朝廷勿預知饗士賞功
購敵皆取給於是又極陳車戰之利帝下軍府議於所司
令喻義自製戰車喻義復上言按敵加派之害而以戰車
營造職在有司不肯奉詔帝不悅疏遂不行明年九月進
講尙書撰布昭聖武講義中及時事有左右之者不得其
人語頗傷執政末陳祖宗大闕之規京營之制冀有所興

革呈稿政府溫體仁不懌使正字官語喻義令改喻義造
閣中隔扉請體仁體仁怒上言故事惟經筵進規多於正
講日講則正多規少今喻義以日講則用經筵之制及令
刪改反遭其侮惟聖明裁察遂下吏部議喻義奏辨曰講
官於正文外旁及時事亦舊制也臣展轉敷陳冀少有裨
益體仁刪去臣誠恐愚忠不獲上達致忤輔臣今蒿草具
在望聖明省覽吏部希體仁指議革職閒住可之喻義雅
負時望爲體仁所傾士論交惜頻行乞恩請乘傳帝亦報
可家居十年卒

羅大紘字公廓吉水人萬曆十四年進士投行人十九年
八月遷禮科給事中甫拜命卽上定制書數千言已復言
視朝宜勤語皆切直先有詔以二十年春冊立東官至是
工部主事張有德以預備儀物請帝怒命奪俸三月更緩

氏姓譜

卷七十一

五歌

羅氏

三

冊立事尙書會同亨請如前詔忤旨切讓大紘復以爲言
詔奪俸如有德大學士許國王家屏連署閣臣各乞收新
命納諸臣請帝益怒首輔申時行方在告聞帝怒乃密揭
言臣雖列名公疏實不與知帝喜手詔褒答而揭與詔俱
發禮科故事閣臣密揭無發科者時行慚懼亟謀之禮科
都給事中胡汝寧遣使取揭時獨大紘守科使者給取之
及往索時行留不發大紘乃抗疏曰臣奉職無狀謹席藁
以待獨念時行受國厚恩乃內外二心藏奸蓄禍誤國賣
友罪何可勝言夫時行身雖在告凡翰林遷改之奏皆儼
然首列其名何獨於建儲一事深避如此縱陛下赫然震
怒加國等以不測之威時行亦當與分過况陛下未嘗怒
而乃沮塞睿聰搖動國本苟自獻其乞憐之術而遏主上
悔悟之萌此臣之所大恨也假令國等得請將行慶典而

恩澤加焉時行亦辭之乎蓋其私心妄意陛下有所牽繫
使請之而得則明居羽翼之功不得則別爲巢死之計其
操此術以愚一世久矣不圖今日乃發露之也疏入帝震
怒命貶邊方雜職俄以六科鍾羽正等論救斥爲民羽正
等奪俸中書舍人黃正賓復抗疏力詆時行帝怒下獄考
訊斥爲民時行亦不安無何竟引去大絃志行高阜鄉人
以配里先達羅倫羅洪先號爲三羅天啟中贈光祿少卿
羅一貫甘州衛人以參將守西平堡遼陽陷西平地最衝
一貫悉力捍禦巡撫王化貞言於朝加副總兵時化貞駐
廣寧經畧熊廷弼駐右屯總兵劉渠以二萬人守鎮武祁
秉忠以萬人守閭陽而一貫帥三千人守西平已定議各
繕墮堅壘急則互相援違者必誅明年正月

氏姓譜

卷七十一

五歌

羅氏

三

大清兵西渡河經撫戒勿輕戰兵漸近參將黑雲鶴出擊
一貫止之不從明日雲鶴戰敗奔還城追兵殲焉一貫憑
城固拒用礮擊傷者無算

大清樹旗招降且遣使來說一貫不從又明日騎益衆環
城力攻一貫流矢中目不能戰火藥矢石盡北爾再拜曰
臣力竭矣遂自剄事聞贈一貫都督同知世廕副千戶一
貫子俊傑承廕崇正中仕至宣府總兵官免歸李自成犯
甘州城陷死之

羅洪先字達夫吉水人父循進士歷兵部武選郎中會考
選武職有指揮二十餘人素出劉瑾門循罷其管事瑾怒
罵尙書王敞敞懼歸部趣易奏循故遲之數日瑾敗敞乃
謝循循歷知鎮江淮安二府徐州兵備副使咸有聲洪先
幼慕羅倫爲人年十五讀王守仁傳習錄好之欲往受業

潘不可而止乃師事同邑李中傳其學嘉靖八年舉進士
第一授修撰卽請告歸外舅太僕卿曾直喜曰幸吾婿成
大名洪先曰儒者事業有大於此者此三年一人安足喜
也洪先事親孝父每肅容洪先冠帶行酒拂席授几甚恭
居二年詔劾請告踰期者乃赴官尋遭父喪苦塊蔬食不
入室者三年繼遭母憂亦如之十八年簡官僚召拜春坊
左贊善明年冬與司諫唐順之校書趙時春疏請來歲朝
正後皇太子出御文華殿受羣臣朝賀時帝數稱疾不視
朝諱言儲貳臨朝事見洪先等疏大怒曰是料朕必不起
也降守詔百餘言切責之遂除三人名洪先歸益尋求守
仁學甘淡泊鍊寒暑躍馬挽強考圖觀史自天文地志禮
樂典章河渠邊塞戰陣攻守下逮陰陽算數靡不精究至
人才吏事國計民情悉加意諮訪曰苟當其任皆吾事也

氏姓譜

卷七十一

五歌

羅氏

五

邑田賦多宿弊請所司均之所司卽以屬洪先精心體察
弊頓除歲飢移書郡邑得粟數十石率友人躬振給流寇
入吉安主者失措爲畫策戰守寇引去素與順之友善順
之應名欲挽之出嚴嵩以同鄉故擬假邊才起用皆力辭
洪先雖宗良知學然未普及守仁門恒舉易大傳寂然不
動周子無欲故靜之旨以告學人又曰儒者學在經世而
以無欲爲本惟無欲然後出而經世識精而力鉅時王畿
謂良知自然不假纖毫力洪先非之曰世豈有現成良知
者耶雖與畿交好而持論始終不合山中有石洞舊爲虎
穴葺茅居之命曰石蓮謝客默坐一榻三年不出戶初告
歸過儀真同年生主事項僑爲分司有富人坐死行萬金
求爲地洪先拒不聽喬微諷之厲聲曰君不聞志士不忘
在溝壑耶江漲壞其室巡撫馬森欲爲營之固辭不可隆

慶初卒贈光祿少卿諡文莊

羅玘字景鳴南城人博學好古文務爲奇奧年四十困諸生輸粟入國學邱濬爲祭酒議南人不得留北監玘固請不已濬罵之曰若識幾字崛彊乃爾玘仰對曰惟中祕書未讀耳濬姑留之他日試以文乃大驚異成化末領京闈鄉試第一明年舉進士選庶吉士授編修益肆力古文每有作或據高樹或閉坐一室瞑目隱度形容灰稿自此文益奇玘亦厚自負尤尙節義臺諫救劉遜盡下獄玘言當優容以全國體中官李廣死遺一籍具識大臣賄交者帝怒命言官指名劾奏玘上言曰大臣表正百僚今若此固宜寘重典然天下及四裔皆仰望之一旦指名暴其惡啟遠人慢朝廷心言官未見籍記憑臆而論安辨玉石一經攻摘且玷終身臣請降敕密諭使引疾退或斥以他事庶

氏姓譜

卷七十一

五歌

羅氏

三

不爲朝廷羞而仕路亦清李夢陽下獄玘言壽寧侯託肺腑當有以保全之夢陽不保爲侯累帝深納焉秩滿進侍讀正德初選南京太常少卿劉瑾亂政李東陽依違其閒玘東陽所舉士也貽書責以大義且請削門生之籍尋進本寺卿擢南京吏部右侍郎遇事嚴謹僚屬畏憚畿輔盜縱橫而皇儲未建玘疏論激切且侵執政者七年冬考績赴都遂引疾致仕歸寧王宸濠慕其名遣使餽玘避之深山及叛玘已病馳書守臣約討賊事未舉而卒嘉靖初賜諡文肅學者稱圭峯先生

羅欽順字允升泰和人宏治六年進士及第授編修遷南京國子監司業與祭酒章懋以實行教士未幾奉親歸因乞終養劉瑾怒奪職爲民瑾誅復官遷南京太常少卿再遷南京吏部右侍郎入爲吏部左侍郎世宗卽位命攝尙

書事上疏言久任超遷法當疏通不報大禮議起欽順請
慎大禮以全聖孝不報遷南京吏部尚書省親乞歸改禮
部尚書會居憂未及葬再起禮部尚書辭又改吏部尚書
下詔敦促再辭許致仕有司給祿米時張璠桂萼以議禮
驟貴秉政樹黨屏逐正人欽順恥與同列故屢詔不起里
居二十餘年足不入城市潛心格物致知之學王守仁以
心學立教才知之士翕然師之欽順致書守仁畧曰聖門
設教文行兼資博學於文厥有明訓如謂學不資於外求
但當反觀內省則正心誠意四字亦何所不盡必於入門
之際加以格物工夫哉守仁得書亦不書報大畧謂理無
內外性無內外故學無內外講習討論未嘗非內也反觀
內省未嘗遺外也反復二千餘言欽順再以書辨曰執事
云格物者格其心之物也格其意之物也格其知之物也

氏姓譜

卷七十一

五歌 羅氏

三

正心者正其物之心也誠意者誠其物之意也致知者致
其物之知也自有大學以來未有此論夫謂格其心之物
格其意之物格其知之物凡爲物也三謂正其物之心誠
其物之意致其物之知其爲物也一而已矣就三而論以
程子格物之訓推之猶可通也以執事格物之訓推之不
可通也就一物而論則所謂物果何物耶如必以爲意之
用雖極安排之巧終無可通之日也又執事論學書有云
吾心之良知卽所謂天理致吾心良知之天理於事物則
事事物物皆得其理矣致吾心之良知者致知也事事物
物各得其理者格物也審如所言則大學當云格物在致
知不當云致知在格物與物格而后知至矣書未及達守
仁已歿欽順爲學專力於窮理存心知性初中釋氏入既
悟其非乃力排之謂釋氏之明心見性與吾儒之盡心知

性相似而實不同釋氏之學大抵有見於心無見於性今人明心之說混於禪學而不知有千里毫釐之謬道之不明將由於此欽順有憂焉爲著困知記自號整菴年八十三卒贈太子太保諡文莊

羅國瓚嘉定州人崇正十六年進士官巡按孫可望等入雲南破曲靖國瓚方按部其地與知府焦潤生被執可望欲降之國瓚不屈攜至昆明自焚死

羅萬藻字文止臨川人萬歷末場屋文腐爛萬藻與同郡艾南英章世純陳際泰以興起斯文爲任乃刻四人所作行之世世人翕然歸之稱爲章羅陳艾天啟七年萬藻舉於鄉崇正中行保舉法祭酒倪元璐以萬藻應詔辭不就福王時爲上杭知縣唐王立於閩擢禮部主事南英卒哭而殯之居數月亦卒

氏姓譜

卷七十一

五歌

羅氏

三

羅朝貴廣東人萬寧遠

橋以織草履爲業嘗學於湛

若水敦行義有古人風
子橋下拾得遺金一封守待
至暮遺金人哭至云收官銀銀五十金因醉遺失當死于刑朝貴審實舉還原物其人駭封識宛然也願酬以三分之一固辭不受或以爲迂朝貴曰予少爲湛尙書司書院門聞公講義利之辨心篤信之故不敢匿金亦不敢受謝也

羅廷輔字左卿性敦篤穎異過人十三冠童子軍博通經

史究心理學萬歷戊子秋試分校者特薦之有旁撓之者

不售後以明經任歸州學訓陞寶慶府學教授邵之人士

莫不佩服之迨解組歸猶率邑子弟講學於韓張亭後學

鄉賓者三享年七十餘至今猶有慕其懿行者

羅文圖號瑞寰聰敏英邁一覽成誦能讀父廷輔遺書

冠篋於庠冠軍十一次邑中著作多出其手所撰有四六文集

羅夢暘雲南劍川州貢生任清泉教授有學識尤不苟取與士心悅服歸休之日士泣餞不忍捨

羅汝登嶼人初爲南京工部主事權稅不如額謫兩淮鹽運判官累官南京尙寶卿楊起元清修矯節然其學不諱

禪汝登更欲合儒釋而會通之輯聖學宗傳盡採先儒語類禪者以入蓋萬世士大夫講學者多類此

羅汝芳字維德南城人嘉靖三十二年進士除太湖知縣名諸生論學公事多決於講座遷刑部主事歷寧國知府

民兄弟爭產汝芳對之泣民亦泣訟乃已剏開元會罪囚亦令聽講入覲勸徐階聚四方計吏講學階遂大會於靈

濟宮聽者數千人父艱服闋起補東昌移雲南屯田副使氏姓譜

卷七十一

五歌

羅氏

元

進參政分守永昌坐事爲言官論罷初汝芳從永新顏鈞講學後鈞繫南京獄當死汝芳供養獄中鬻產救之得減戍汝芳旣罷官鈞亦赦歸汝芳事之飲食必躬進人以爲難鈞詭怪猖狂其學歸釋氏故汝芳之學亦近釋楊起元周汝登皆萬歷五年進士起元歸善人選庶吉士適汝芳以參政入賀遂學焉張居正方惡講學汝芳被劾罷而起元自如累官吏部左侍郎拾遺被劾帝不問未幾卒天啟初追諡文懿

羅彥望望江人洪武三十年知寶慶府有善政

羅相江西吉水舉人嘉靖初任新化縣息詞訟寬里甲招撫羣盜悉爲良民陞永州郡丞祀名宦

羅應元雲南徵江府舉人嘉靖二十年知新化縣爲政寬嚴得體擒賊有功陞興國知府

羅欽泰和人萬歷四十六年任邵陽丞乙巳青龍橋北欽督役復修於石墩中得建橋殘碑姓名與欽同卽前正德丞也人咸異之

羅汶字宗周茶陵人以儒試郡曹上功幕府擢永州路知事補鄂省掾秩滿轉永州路經歷江華縣尹邑界接蒼梧民徭雜處學校荒蕪汶捐俸鼎建勤課詩書一時翕然向風入明授懷遠衛知事再任天策衛仍前官臨事不苛常以利害爭上官前至再三必求便民而後已任滿調燕山都衛斷事平反冤獄所活四十餘人以勞卒於官

羅承壽醴陵舉人任浙江都司斷事壬午靖難兵至不屈死

羅安字時泰益陽人成化進士授戶部主事使兩廣以清幹名中貴不能干為山東僉事舉屯政毀淫祠轉四川副

氏姓譜

卷七十一

五歌

羅氏

早

使苗蠻兇虐懼罪以金賂安安却而誅之改貴州參政普安兵起督餉有功

羅應衡字鳳山益陽人父貢入京溺月子河母哭喪明應衡方幼家貧為人傭以養母或有過輒奉杖進母手俯身受責學成登成化中鄉薦任淮安通判陞全州牧

羅敦仁字伯榮益陽人孝事繼母讓產於弟家庭之內肅若朝廷以子貴誥贈禮部右侍郎祀鄉賢

羅其綸字彞伯茶陵人萬歷間鄉舉授太康教諭徵修嘉宗實錄遷瓊州推官黎人騷動幾二十年其綸單騎宣諭殲其渠入其地為水會所璽書褒獎識嶺東北嶽釋冤辟八十三人累擢郎中年八十四卒筭篋蕭然僅存遺稿羅緹嘉定人萬歷中知長沙府厲節清苦歲早甘霖隨騰而至屬用兵平播緹轉餉無闕而民免加派

羅應選桃源人天啟甲子舉人授柳州推官改補龍安政
刑寬簡士民悅服獻賊入蜀應選嬰城拒守以死自誓城
陷舉家罹害

羅尚質武陵人性敦孝友讓產與其昆弟父懋憲病疽跪
而吮之諸羅獻賊慘殺者捐貲殮而葬之凡數千人

羅天純字太清人琮季子生而穎異年十一籍諸生十五
食餼父寢疾敬侍湯藥衣不解帶父沒廬墓側三年不飲
酒茹暈時稱純孝

羅三才常德庠生攜妻子避賊爲所獲三才挺身罵賊賊
窺婦貌欲殺三才其子以身翼之賊殺其子婦曰賊欲殺
夫以圖妾妾豈忍陷君不如先死遂投水三才從之一家
俱盡

羅字四川舉人崇正中知湘鄉縣各里甲圖多寡不均守
氏姓譜 卷七十一 五歌 羅氏 四

爲據里之大小均之衆皆帖服聽訟公慎明決每片言出
雖被責詢者退無後言祠廟橋亭多所興建以誣被逮士
民流涕送之建祠以祀

羅增閩縣舉人景泰辛未任萬州學正陞岷府左長史輔
導宏益王雅重之選其次子奉尚雲杜郡主子孫遂家於
邵

羅暵桂東人由歲貢授梓潼訓導訓迪有法爲文學模範
祀鄉賢

羅經臨武人少任俠正德間峒苗連寇臨武經募死士緣
城而下夜劫之賊少却詰旦造攻車數十輛薄城下引飛
梯於車內編竹爲車幔而蒙以革投之以石不爲動經乃
以火矢中之車中人大亂死於火者無算其躍出者皆爲

流矢所害賊盡殲焉

羅奇杰懷集人邑庠生少孤事母至孝每晨衣冠入省必跪拜床下母多病奉藥餌寢食俱忘凡浣衣滌器皆以身親之母歿年九十三泣血廬墓三年前後院道比九獎崇正中直指李仲熊表其宅曰孝行可風

羅大奎萬歷間知桂陽州捐俸置學田建斗下渡橋修州志有遺愛碑

羅鐔字用世茶陵人由選貢授奉新縣佐值縣游飢捐貲告糴飢民多全活百姓感之立祠以祀

羅鎡字景昂安鄉人正統鄉舉授歙縣教諭捐俸建學宮修書院侍郎王偉稱其氣節剛正遷保定府教授

羅應奎字文象安鄉人嘉靖貢生歷廬江洪雅司鐸一言一動必則古人祀名宦

羅一儒安鄉庠生崇正時率眾禦馬賊破執死

氏姓譜

卷七十一

五歌 羅氏

四

羅黃裳廣東高明人進士守平樂爲人剛果廉介警敏有才萬歷四年與府江道徐作計擒巨魁周公樓黎福莊等諸賊定上下四屯設兵防禦立寧化里以增國稅循良異政郡人尸祝咸稱曰羅父云

羅珣字用誠臨安衛人成化丙戌進士爲刑部郎出知桂林西延陽洞諸蠻時出劫爲典全宮珣聞之檄州縣簡練民兵以待蒐舊籍見宋有洞丁備戰守亦倣其意行靈川檄名六洞丁一日謀報蠻五百餘將謀渡湘珣騎至靈川將諸民兵馳往會所名六洞僮丁與蠻遇破之蠻欲退合後屯有兩道珣密遣土人唐全詭以從山徑便蠻信爲然珣引兵潛山口蠻爭逸去我兵自後躡殺幾盡蠻有別屯空王寺者乘勝與戰破之又追至角山復戰大破之諸蠻斂迹自是無敢窺興全者

羅茂英儀隴人洪武中由太學生歷官勤慎聲譽著聞終河南按察司副使

羅咸字德行少喪父事母至孝年七十天大寒嘗以身自溫席然後授其處

羅信景泰間江浦知縣始終一誠民心甚孚

羅賢宏治間泰興知縣勤勸課修水利政在惠民不避強禦儉約之操爲尤著云

羅銓山陽人宣德中由進士拜監察才能著稱進陞湖廣按察使克振風紀未幾卒於官

羅崇本太和人宣德丁未進士官至廣東雲南參政嘗奉敕提督廣東秋糧以備接濟征進官兵處置得宜軍民稱快

羅如璫廬陵人正統壬戌進士授行人己巳扈駕北征土

氏姓譜

卷七十一

五歌

羅氏

四

木敗績死之景泰間詔旌異錄其一子

羅俊泰和人正統進士任監察御史歷官潯州知府蠻獠向化郡稱大治改南雄公廉寬厚有古循吏風

羅用俊泰和人領鄉薦授青田教諭進安慶教授兩京太學學正助教所至以身爲教士敬信之去則祀於名宦祠三子皆舉進士以子貴累封通議大夫卒賜祭葬

羅剛天順末知遼州爲政威惠並施尤注意學校士人德

之

羅閏晉江人永樂中舉進士擢監察御史持公守法薦陞廣東按察司副使卒於官

羅篋字應韶南昌人舉進士拜監察御史治閩寇少壯者三百餘人累陞右副都御史巡撫湖廣撫諭苗獠歲飢多所全活名還上疏乞親萬幾用正寅節賜予等事皆人所

難言未幾致仕卒所著有知菴集

羅經南昌人幼有志節由進士歷官廣東僉事瓊崖遠隔鯨波經居一載歸囊無瓊物改補提學勞於督課卒生平廉潔嘗以京官居家十載惟閉門授徒以自給云

羅明南昌人由吏員授衛知事歷四川劔州判官正德中劇盜鄆藍等數萬人攻城民皆逃竄明偕其子介死守孤城不支明被執罵賊就死介奮身救父亦被殺事聞蒙恩恤蔭

羅俊扶溝人由舉人通判大同府有善政子贊孫玘俱進士第贊官御史

羅璋遂寧諸生大盜亂蜀中母爲賊所獲璋手挺長鎗連斃三賊賊舍母去後賊追至璋力捍賊久之力疲竟被執賊憤甚剜心剖肝裂其屍正德中旌表

氏姓譜

卷七十一

五歌

羅氏

四

羅復嘉靖間以監察御史知歸德府鋤強植弱政務宜民正疆界均賦役一時詭隱杜絕懷慶衛輝欲加賦歸德復力爭止之

羅坤泰知廣德州存心公直不受私謁重修學校獎勵生徒祛除弊政民訟止息

羅經上杭人永樂戊戌進士歷官淇縣知縣廉潔持身尤重農事嘗教民以桔槔溉田至今民受其利擢御史彈劾不避權要人多忌之陞浙江副使執法明允德惠及民

羅璇茶陵人正統中通判南陽粟麥三十萬石撫綏閩民萬餘戶築封邱堤八十餘里改衢州以擒賊功進南京戶部郎中會尙書缺署部事諸司咸奉令焉

羅鑑號湘川茶陵人成化進士授南京刑科給事中轉戶科孝宗時上疏言三事曰隆輔養保初政廣積儲上嘉納

之累轉四川布政使所至均賦役練戎政撫孤獨不爲赫赫之名而人被實惠進副都御史以忤劉瑾罷瑾誅復起巡撫尋以病致政

羅觀字用賓桐廬人洪武中由太學有聲選署陝西按察使事後擢寧國府同知永樂初歷陞廣東按察使在任以清慎稱

羅義山西清遠衛戍卒也靖難兵起義詣闕上書乞息兵講和又錄上文皇書言殿下聰明英武今之周公也宜謹守燕土以法周公輔成王之義嘗聞夷齊以國相讓去隱首陽聖賢欲成天下之事必先明順逆之理成敗之勢禍福之機又得天道之宜人心之安然後可殿下今以藩國敵朝廷卽遂其願尤爲不可况萬難無一易哉乞早息兵歸國書上乃下義獄建文四年六月庚辰文皇出義獄中

氏姓譜

卷七十一

五歌 羅氏

豈

擢戶科給事中未幾陞湖廣左參政

羅明字元亮崇仁人景泰甲戌進士除監察御史陞廣西按察司僉事奉敕專理軍政時蠻獠寇賓州總戎畏縮逗遛不進明率所募民兵格戰俘馘甚衆未幾賊韋諫誠恃險復倡亂明生獲之捷聞賜勅獎諭陞本司副使

羅紳宜春人天順初知廉州石康縣清介公勤四寇流劫入縣治紳苦戰力不能支爲賊所繫奮罵曰朝廷命我封疆今日城陷有死而已遂遇害子鑑從父會兵於野亦苦戰被害

羅柔字文徽宏治庚戌進士由戶部主事員外郎中陞建寧府知府遇一按院以舊隙劾去之歸閒爲詩酒壺奕爲樂不問生事悠然終其身蓋其素性蕭然窮達不改如此

羅翰字質甫江寧人器宇疏豁有風幹知袁州至卽均差

役繕城隍置文廟樂器考正雅樂校試生徒親爲課督作
指掌圖懸之以革根長隱射再踰年改知贛州後歷知南
康南昌三府轉按察副使人爲府丞大理少卿卒

歷代列女

羅氏女秦古羅城人父爲鐵官舟沒洞庭女年十六攜其
弟循涯哭求父屍不獲皆赴水死後人每於陰雨時見其
姊弟抱屍湖上隨波往來雲氣覆之因建淑濟祠以祀朱
元豐間敕封女孝烈妃弟孝感侯淳祐間平江令楊寅建
忠孝雙廟與屈原分東西祀之

羅氏晉茶陵人羅均用之女均用令曲陵溺水死其女尋
屍不獲亦赴水死朱嘉其孝曰孝烈靈妃立廟祀之

羅愛卿年十八適趙氏子趙入京求仕愛卿作詞贈別云
恩情不把功名誤離筵又歌金縷白髮慈親紅顏幼婦君

氏姓譜

卷七十一

五歌 羅氏

吳

去有誰爲主流年幾許况悶悶愁愁風風雨雨鳳拆鸞分
未知何日更相聚蒙君再三付向堂前侍奉休辭辛苦
官誥蟠花官袍製錦要待封妻拜母君須聽取怕日薄西
山易生愁阻早促回程綵衣相對舞後因亂爲劉萬戶所
虜誓不就辱遂自縊而死

羅夫人楊誠齋婦也年七十餘居寒月黎明卽起詣厨躬
作粥一釜遍享奴婢然後使之服役其子東山啟曰天寒
何自苦如此夫人曰奴婢亦人子也清晨寒冷須使其腹
中畧有火氣乃堪服役耳東山曰夫人老且賤事何倒行
而逆施乎夫人怒曰我自樂此不知寒也汝爲此言必不
能如吾矣

羅氏名融齋廬陵人咸淳九年其母滿百歲氏時年七十
六白髮在堂事百歲母如婦禮子孫環侍起居男女二十

有奇鄉稱慶門

羅氏保昌人宋末賊掠其村羅與同邑李氏義不受辱投水而死

羅氏三節歐陽氏吉人諱壽娘鶯田羅韞匱妻也韞匱卒時婦年二十五長子篤溫方二歲次子篤良尚在娠越四月而生歐陽氏撫二孤無異志長篤溫娶歐陽氏名酉貞生子甫期而篤溫亡篤良娶袁氏名蘭秀生子旣五歲而篤良卒酉貞蘭秀相告曰姑爲節婦至我屬獨改節乎乃協力共守姑年六十而卒蘭秀年五十五卒酉貞年幾九十卒鄉里稱爲三節婦云

羅氏名妙生信州弋陽人幼聰慧能暗誦列女傳年二十歸同邑鄭琪琪家世宦族同居百餘口羅執婦道無間言琪以軍功擢沿山州判官至正二十年信州陷羅度弋陽氏姓譜

卷七十一

五歌

羅氏

四

去信近必不免於難輒取所佩刀淬礪令銛甚琪問何爲對曰時事如此萬一遇難可爲自全計已而兵至羅卽自刎時年二十九

羅氏名妙法于戶羅仁女年十六許配曹氏子曹往蘇州道卒遂誓不嫁父母不能奪其志竟老而卒家人繪像祀之

羅氏與國人呂若履妻年二十二發居善養姑始安之撫二孤引掖以成矢心礪節終始不渝卒年七十七

羅氏女名靜廣德羅勤之女也爲同縣朱曠所聘婚禮未成勤遇病喪沒鄰比斷絕曠觸冒經營尋復病亡靜感其義遂誓不嫁有楊祚者自往納幣靜乃逃竄祚劫其弟妹靜懼爲祚所害乃出見之曰實感朱曠爲妾父而死是以託身亡者自誓不貳辛苦之人願君哀而舍之如其不然

請守之以死乃舍之

羅氏竹谿人夫卒羅年二十六撫孤騰補邑庠生娶媳李氏未幾騰亦卒李依姑誓不他適姑死殯殮如禮官給賻助隆慶二年旌

羅氏益陽人諸生曹道妻也年二十四而道亡羅誓不再適守節五十餘年雖至親相見不踰閭閻萬歷元年有司奏聞旌表

羅氏名文姬南昌人元幹女也年十六適鄭氏鄭疾篤執文姬手曰汝盛年當別適毋自負也文姬誓不嫁鄭亡水漿不入口者七日葬夫訖投繯而死

羅氏沙縣人適清流呂源甫二載而源卒遺腹生子曰文慶文慶亦夭復攜其婦以教孫有至領宣德鄉薦

羅氏新喻人蕭嘉聞妻也羅年二十一而嘉聞卒羅與嘉

氏姓譜

卷七十一

五歌

羅氏

吳

廸妻廖氏同事舅姑清貞一心年皆八十餘卒成化間詔旌表其門

羅氏楊東山母也母賢明嘉靖初待母夫人入京就職

羅氏名金秀臨武人羅文清女幼許字黃義朝未嫁而夫亡時金秀年十六聞訃匍匐臨夫喪慟哭絕而復甦父感其哀廸亦不能禁尋復終三年服閉居深閨苦節自矢事聞於朝詔歲給帛麻銀二兩復其家崇正癸未年八十五終立祠祀焉

羅氏臨武人羅文翼女也適鄉民鄭士仰二年而寡遂堅

貞自守撫夫姪鄭朝清爲夫後止遺一女乃長適諸生王敷極未幾女亡氏矢志愈堅前縣令謝嘉賓旌匾曰勁節凌霜

羅氏永淳人博塘村民龍居德妻容貌頗艷景泰三年羣

盜劫掠男婦被捉者十餘人皆隨之獨氏自投崖傷目賊由未舍繫其頸而驅之行羅氏怒曰吾寧死必不受爾賊辱賊斷其臂罵愈厲卽被砍死

羅氏永定人黃繡妻也年十八夫死守節撫孤御史旌表其門

羅氏安化人王用器妻也年二十三夫死誓不再適有奪其節者斷一指以絕之

羅氏新化人魯步孔妻年十八步孔沒守節自誓刻木爲夫像事之如生諂旌其門

羅氏邵陽人蕭喬春妻也年十六生子逾年喬春卒父憫其貧苦勸之再適氏矢死不從撫孤督課補邑庠

羅氏姓劉氏新化人羅一陸妻也年十七夫逝家貧甚氏屏膏沐矢節五十餘年

氏姓譜 卷七十一 五歌 羅氏 究

羅氏新寧人蔣爾誠妻也賊斬扁入羅從後閣投水死

羅氏華容人嚴循閑妻也年十八歸循閑貌寢爲夫所棄不入其室者十餘年夫病侍湯藥誓以身殉比死縊於棺側

羅氏酃縣人李世昕妻也年二十守志撫兩稚孤其娣李世曠妻尹氏年二十五守節撫四歲孤兒冰操凜然成化

中知縣宋璧旌幾節新安朱瑑爲傳

羅氏婦常寧人姓聶氏羅文繡妻父廷鳳常授以內則女誠諸篇萬歷中文繡挈聶經月浦溺於水聶挽之不及亦

投水中舟人亟舉篙援之邾篙而沉越七日兩屍并浮有司葬而表之

羅氏衡陽人張明修妻年二十五明修故無子氏哀毀遂絕粒閱十三載人疑爲仙尋患疫僵臥夢神授以藥頓愈

復飯蔬二十年以女工自給年六十八終

羅氏鄱縣人幼許字陳某某沒誓不適人女弟靜貞與姊相愛不欲分離亦不字姊妹扃戶蠶績年各九十二歲卒邑人號曰雙貞邑城西石人橋雙貞積貲所建

羅氏適員生危思源爲繼室前室潘遣子燭羅氏撫之如已出生子三而思源卒年二十有六撫養諸孤綜理家政子長皆爲之婚三十餘年如一日兩臺並旌之

羅氏女鹿邑人幼許段錦袍爲妻未娶而錦袍暴卒女往歸家自縊死有司奏聞旌表

羅氏長葛人張旒妻夫歿守節詔旌表

氏姓譜

卷七十一

五歌

羅氏

五

歷代名賢列女氏姓譜卷之七十二

湘鄉

蕭智漢雲澤氏纂輯

男秉信明甫氏校

下平聲

五歌

番氏

正字通云爲吳芮封番君支孫因氏讀婆舊註番姓亦音潘合潘番二姓一音誤矣

歷代名賢

鑰

番係武帝時河東太守言轉漕事武帝用之

番亡字季儒

柯氏

姓苑云吳公子柯蘆之後又河南官氏志柯拔氏改爲

氏姓譜

卷七十二

五歌

番氏

柯氏望出錢塘及齊郡

歷代名賢

鑰

柯農見印藪

柯疆見印藪

南比

柯隆錢塘人

柯益孫齊郡人兗州典籤

鑰

柯穎尚書郎

柯崇與曹松等及第號五老榜

宋

柯仲常神宗朝通判潭州以收飢得民有異鵲棲其廳事

仲常去鵲亦送之東坡爲賦柯侯異鵲一章

柯夢得字東海莆田人屢上春官不第嘉定七年以特科入官一生苦吟古詩學孟東野有抱甕集及選唐絕句行世

柯應烈建德人性孝嗜學母閻氏病不解衣侍湯藥癰瘡盡瘁每夕露禱減算以益母壽空中有聲特延一紀後果如數龔吏部欲強以官母語曰吾家代以文發身何事旁而爲竟不就

柯春卿三山人淳熙間宰宜春吏事精明剖決不倦太守張柯雅器重之遷邑庠於秀江北後倅大府亦著能聲

柯萼太平人興國七年遇一僧往萬歲山指古松下掘之得石篆乃寶公記國祚綿遠之文篆

柯述字仲常南安人述與弟迪達嘗袖文見蔡襄襄異之氏姓譜 卷七十二 五歌 柯氏 二

相繼登第知襄垣縣神宗聞其治行召對擢知懷州終朝議大夫直龍圖閣

柯知彰字仲晦述之從孫大觀初以不求聞達薦召赴闕特賜進士爲海豐令予汪江俱登第

柯宋英字子飛晉江人紹興進士知梅州清勤蒞事任滿囹圄無一囚代還杜門謝客人以鄉先生稱之

柯九思字敬仲號丹邱生天台人官奎章閣鑒書博士能詩文善楷書並畫竹木筆勢生動論者謂文與可後一人

每得意輒題詩其上一時珍貴稱三絕雅好填詞有北曲

十二本

明

柯潛字孟時莆田人景泰二年舉進士第一歷洗馬天順

初遷尚寶少卿兼修撰憲宗卽位以舊官僉擢翰林學士英宗實錄成進少詹事慈懿太后之喪潛與修撰羅璟上章請合葬裕陵廷臣相繼爭未報潛曰朝廷大事臣子大節舍是奚所用心與璟皆再跡爭竟得如禮連遭父母喪詔起爲祭酒固乞終制許之未幾卒潛邃於文學性高介爲學士時卽院中後圃構清風亭鑿池蒔芙蓉植二柏於堂人稱其亭爲柯亭柏爲學士柏院中有井學士劉定之所浚也柯亭劉井翰林中以爲美談云

柯維騏字奇純高祖潛翰林學士父英徽州知府維騏舉嘉靖二年進士授南京戶部主事未赴輒引疾歸張孚敬用事劾新制京朝官病滿三年者槩罷免維騏亦在罷中自是謝賓客專心讀書久之門人日進先後四百餘人維騏引掖靡倦慨近世學者樂徑易而憚積累竊二氏之說

氏姓譜

卷七十二

五歌

柯氏

三

以文其固陋也作左右二銘訓學者務實以辨心術端趨向爲實志以存敬畏密操履爲實功而其極則以宰理人物成能天地爲實用作講義二卷宋史與遼金二史舊分三書維騏乃合之爲一以遼金附之而列二王於本紀褒貶去取義例嚴整閱二十年而始成名之曰宋史新編又著史記考要續莆陽文獻志及所作詩文集並行於世維騏登第五十載未嘗一日服官中更倭亂故廬焚燬家困甚終不妄取世味無所嗜惟嗜讀書撫按監司時有論薦不復起隆慶初廷臣復薦所司以維騏年高但授承德郎致仕卒年七十有八孫茂竹海陽知縣茂竹子景副都御史巡撫山西

柯夏卿號玉峴別號遜庵初入塾輒能成誦八歲失怙守夜訓不出戶限十六補弟子員二十四掄崇正癸酉鄉魁

丁丑成進士時澄江水清三日識者謂清獻後身

柯鏗建德歲貢萬歷十六年任衡州通判

柯暹字用晦池州人洪熙元年知永新州訟課盈庭徐折

以一二語唯唯讐服暇名諸生講究經史廢修墜舉民不

知勞改吉水治猶永新民隱吏弊搜剔無遺趨罷浙江按

察使民思之如失父母

柯溪朝陽人由給事中謫任衡州同知

柯良晉朝陽人嘉靖間任武緣縣令操守廉潔祿俸外一

毫不私人疑訟一訊立辨士之貧者給以燈油錢

柯熙甫田舉人成化六年任武岡州學正性寬厚喜作人

柯振祖彭澤人賦性穎敏博學能文制行剛方不徇時好

洪武中以賢良方正舉任湖口縣學訓導克端楷範士類

賴其甄陶云

氏姓譜 卷七十二 五歌 柯氏 四

柯望海陽人甘貧嗜學博覽羣書凡天文地理卜算之類

無不通曉尤精於易窮約終身畧無覬覦人咸稱其清介

有志未就而卒門人為之殯殮

柯茂湖口人景泰四年舉於鄉任樂昌令以儉素率民凡

民間服用婚葬侈靡者痛抑之九年秩滿當遷民奏留之

又三年乃致仕歸

柯日新平涼人洪武甲辰平陳理命知蒲圻縣時亂定民

多逋竄日新憂勤撫輯墾闢草萊疆理田土躬督農桑民

皆襁負至乃創署宇修學校置郵傳治橋梁百廢俱舉

柯忠字汝節懷寧人登成化乙未進士授河南鞏縣有善

政擢監察御史歷進陝西按察司副使忠天性孝友尤憺

歸

柯維熊字奇徵莆田人嘉靖中登進士
柯相字元卿池州人進士嘉靖十一年以南京吏科給事中陞知府條章振飭百廢具舉每朔望視學進諸生問難可否懲勸其良弗率者士楷其學而民俗安之又悉心水利謹其硯閘修浚東錢湖售葑去淺民無旱暵之憂以剛直忤人調守武昌終巡撫河南都御史

歷代列女

柯節婦姓陳氏長樂石梁人至正二十一年海賊劫石梁被執婦且行且罵賊極之挾以登舟罵不已忽振衣自投江中明日屍逆流而上止石梁岸旁時盛暑屍已變其夫驗其背黑子乃大慟曰是吾妻也昇歸歛之

柯氏名季淑貢士柯鳳翔女大林妹也性幽靜聞訓常肅適李作善婦德婦功兼盡生一子殿柱甫二歲而夫歿氏攻苦紡織粗衣蔬食課子勤學擇婚配生孫三孫女一皆氏備嘗甘苦以撫成之歷年六十節堅於金石也

氏姓譜

卷七十二

五歌

柯氏

五

柯氏婦姓吳氏武昌縣人柯啟正妻年十六生子絨甫兩月而夫卒誓死撫孤閨門嚴肅姊姒姑娣相聚笑語不形三十年如一日

柯氏婦姓王氏大冶人柯楚吾妻年二十三夫卒遺週歲女氏知家族覬覦所有盡散之止留一老婢爲伴辟糶苦節五十餘年

柯氏婦姓楊氏新化人柯大林妻兵亂與夫俱被執楊赴水死

柯氏謝智妻庠生柯愈茂女聞流賊至投水死邑令楊名遠表其墓曰清泉白石

和氏

按通志云羲和堯時掌天地之官和仲和叔因以爲氏
晉有和組父漢有和武又後魏有素和氏改爲和氏

歷代名賢

和旻北平太守

和浮王祿長上言黨人禁錮及五族有乖典訓帝從之

和君實臨淄人少爲賊傷殆死忽遇一女子乃大真夫人

也與藥一丸服訖卽愈乃自號馬明生隨夫人入岱山石

室試以鬼怪狼虎不懼挑以美女不動夫人曰可教有安

期生至夫人以明生付之以詩留別而去後得安期生丹

經神方人華陰山修煉漢靈帝時太傅胡廣訪以國事俱

驗遂餌金丹白日昇天

氏姓譜

卷七十二

五歌

和氏

六

和洽字陽士汝南西平人也舉孝廉大將軍辟皆不就袁
紹在冀州遣使迎汝南士大夫洽獨以冀州土平民疆英
傑所利四戰之地袁本初乘資雖能彊大然雄豪方起全
未可必也荊州劉表無他遠志愛人樂士土地險阻山夷
民弱易依倚也遂與親舊俱南從表表以上客待之洽曰
所以不從本初辟爭地也昏世之主不可贖近久而阡危
有讒慝間其中者遂南度武陵曹操定荊州辟爲丞相掾
屬時毛玠崔琰並以忠清幹事其選用先尙儉節洽言曰
天下大器在位與人不可以一節儉也儉素過中自以處
身則可以此節格物所失或多今朝廷之議吏有著新衣
乘好車者謂之不清長史過營形容不飾衣裘弊壞者謂
之廉潔至令士大夫故汙辱其衣藏其輿服朝府大吏或
自挈壺餐以入官寺夫立教觀俗貴處中庸爲可繼也今

崇一概難堪之行以檢殊塗勉而爲之必有疲瘁古之大
教務在通人情而已凡激詭之行則容隱僞矣魏國旣建
爲侍中後有白毛玠罵操操見近臣怒甚洽陳玠素行有
本求案實其事罷朝操令曰今言事者白玠不但謗吾也
乃復爲崔琰歛望此損君臣恩義妄爲死友怨歎殆不可
忍也昔蕭曹與高祖並起微賤致功立勲高祖每在屈笱
二相恭順臣道益彰所以祚及後世也和侍中比求實之
所以不聽欲重參之耳洽對曰如言事者言玠罪過深重
非天地所覆載臣非敢曲理玠以枉大倫也以玠出羣吏
之中特見拔擢顯在首職歷年荷寵剛直忠公爲衆所憚
不宜有此然人情難保要宜考察竅兩驗其實今聖恩垂含
垢之仁不忍致之于理更使曲直之分不明疑自近始操
曰所以申考欲兩全玠及言事者耳洽對曰玠信有謗主

氏姓譜

卷七十二

五歌

和氏

七

之言當肆之市朝若玠無此言事者加誣大臣以誤主聽
二者不加檢覈臣竊不安操曰方有軍事安可受人言便
考之邪狐射姑刺陽處父於朝此爲君之誠也操克張魯
洽陳便宜以時拔軍徙民可省置守之費操未納其後竟
徙民棄漢中出爲郾中令丕踐阼爲光祿勳封安城亭侯
獻卽位進封西陵鄉侯邑二百戶太和中散騎常侍高堂
隆奏時風不至而有休廢之氣必有司不勤職事以失天
常也詔書謙虛引咎博諮異同洽以爲民稀耕少人食者
多國以民爲本民以穀爲命故費一時之農則失育命之
本是以先王務蠲煩費以專耕農自春夏以來民窮於役
農業有廢百姓囂然時風不至未必不由此也消復之術
莫大於節儉太祖建立洪業奉師徒之費供軍賞之用吏
士豐於資食倉府衍於穀帛由不飾無用之宮絕浮華之

費方今之要固在息省勞煩之役損除他餘之務以爲軍
戎之儲三邊守禦宜在備豫料賊虛實蓄士養衆算廟勝
之策明攻取之謀詳詢衆庶以求厥中若謀不素定輕弱
小敵軍人數舉舉而無庸所謂悅武無震古人之誠也轉
爲太常清貧守約至賣田宅以自給獻聞之加賜穀帛慶
諡曰簡侯子禽嗣禽弟適才爽開濟官至廷尉吏部尙書
和瀆陽平太守

晉

和嶠字長輿祖洽魏尙書令父適魏吏部尙書嶠少有風
格慕舅夏侯元之爲人厚自崇重有盛名于世朝野許其
能整風俗理人倫襲父爵上蔡伯起家太子舍人累遷潁
川太守爲政清簡甚得百姓歡心太傅從事中郎庾頴見
而嘆曰嶠森森如千丈松雖礫硤多節目施之大廈有棟

氏姓譜

卷七十二

五歌

和氏

八

梁之用賈充亦重之稱於武帝入爲給事黃門侍郎遷中
書令帝深器遇之舊監令共車入朝時荀勗爲監嶠鄙勗
爲人得意氣加之每同乘高抗專車而坐乃使監令異車
自嶠始也吳平以參謀議功賜弟郁爵汝南亭侯嶠轉侍
中愈被親禮與任愷張華相善嶠見太子不令因侍坐曰
皇太子有淳古之風而季世多僞恐不了陛下家事帝默
然不答後與荀顛荀勗同侍帝曰太子近入朝差長進卿
可俱詣之粗及世事旣奉詔而還顛勗竝稱太子明識宏
雅誠如明詔嶠曰聖質如初耳帝不悅而起嶠退居恒懷
慨嘆知不見用猶不能已在御坐言及社稷未嘗不以儲
君爲憂帝知其言忠每不酬和後與嶠語不及來事或以
告賈妃妃銜之太康末爲尙書以母憂去職及惠帝卽位
拜太子太傅加散騎常侍光祿大夫太子朝西宮嶠從入

賈后使帝問嶠曰卿昔爲我不了家事今日定云何嶠曰臣昔事先帝曾有斯言言之不效國之禍也臣敢逃其罪乎元康二年卒贈金紫光祿大夫加金章紫綬本位如前永平初策諡曰簡

簡

和其奴代人也少有操行善射御初爲三郎轉羽林中郎以恭勤致稱賜爵東陽子除奮武將軍文成初遷尚書加散騎常侍進爵平昌公拜安南將軍遷尚書左僕射太安元年詔羣臣議立皇太子各其奴與司徒麗等以爲宜以德命名帝從之又與河東王閭毗太宰常英等並平尚書事在官慎法不受私請時以西征吐谷渾諸將淹停不進久囚未決其奴與尚書毛法仁等窮問其狀連日具伏和乎六年遷司空加侍中文成崩乙渾與林金閭擅殺尚書

氏姓譜

卷七十二

五歌

和氏

九

楊保年等殿中尚書元郁率殿中宿衛士欲加兵於渾渾懼歸咎於金閭執金閭以付郁時其奴以金閭罪惡未分乃出之爲定州刺史皇興元年長安鎮將東平王道符反詔其奴領征西大將軍率殿中精甲萬騎以討之未至而道符敗軍還三年薨内外咸嘆惜之贈平昌王諡曰宣和天受其奴子襲爵初爲內行令太和六年遷弩庫曹下大夫卒

和安清都臨漳人也其先西域商胡本姓素和氏安恭敬善事人稍遷中書舍人魏靜帝嘗夜與朝賢講集命安看斗柄所指安曰臣不識北斗齊神武聞之以爲淳直由是啟除給事黃門侍郎位儀州刺史以子士開貴贈司空公尚書左僕射冀州刺史諡文貞公

簡

和洪汝南人也少有武力勇烈過人周武帝時數從征伐以戰功累遷車騎大將軍儀同三司時龍州蠻任公忻李國立等聚衆爲亂刺史獨孤善不能禦朝議以洪有武畧代善爲刺史月餘擒公忻國立皆斬首梟之餘黨悉平從帝攻河陰洪力戰陷其西門帝壯之賞物千段復從帝平齊進位上儀同賜爵北平侯邑八百戶拜左勳曹下大夫柱國王軌之擒吳明徹也洪有功焉加位開府遷折衝中大夫尉遲迥作亂相州以洪爲行軍總管從韋孝寬擊之軍至河陽迥遣兵圍懷州洪與總管宇文述等擊走又破尉惇於武陟及平相州每戰有功拜柱國封廣武郡公邑二千戶前後賜物萬段奴婢五十口金銀各百挺牛馬百匹時東夏初平物情尙梗高祖以洪有威名令領冀州事甚得人和數歲徵入朝爲漕渠總管監轉拜泗州刺史屬

氏姓譜

卷七十二

五歌

和氏

十

突厥寇邊詔洪爲北道行軍總管擊走虜至磧而還後遷徐州總管卒時年六十四

譜

和逢堯岐州岐山人武后時負鼎詣闕下上書自言願助天子和飪百度有司讓曰昔桀不道伊尹負鼎于湯今天子聖明百司以和尙何所調逢堯不能答流莊州十餘年乃舉進士高第累擢監察御史突厥默啜請尙公主逢堯以御史中丞攝鴻臚卿報可默啜遣貴近頡利來曰詔送金縷具鞍乃塗金非天子意使者不可信雖得公主猶非實請罷和親欲馳去左右色動逢堯呼曰我大國使不受我辭可輒去乃牽持其人謂曰漢法重女壻而送鞍具欲安且久不以金爲貴可汗乃貪金而不貴信邪默啜聞曰漢使至吾國衆矣斯食鐵石人不可易因備禮以見逢堯

說之曰天子昔爲單于都護思與可汗通舊好可汗當嚮
風慕義襲冠冕取重諸蕃默啜信之爲歛髮紫衣南面再
拜稱臣遣子入朝逢堯以使有指擢戶部侍郎坐善太平
公主斥朗州司馬終柘州刺史唐興奉使不辱者稱逢堯

五代

和凝字成績鄆州須昌人也其九世祖逢堯爲唐監察御
史其後世遂不復宦學凝父矩性嗜酒不拘少節然獨好
禮文士每傾貲以交之以故凝得與之遊而凝幼聰敏形
神秀發舉進士梁義成軍節度使賀瓌辟爲從事瓌與唐
莊宗戰于胡柳瓌戰敗脫身走獨凝隨之反顧見凝麾之
使去凝曰大丈夫當爲知己死吾恨未得死所爾豈可去
也已而一騎追瓌幾及凝叱之不止卽引弓射殺之瓌由
此得免瓌歸誠其諸子曰和生志義之士也後必富貴爾

姓氏譜

卷七十二

五歌

和氏

其謹事之因妻之以女天成中拜殿中侍御史累遷主客
員外郎知制誥翰林學士知貢舉是時進士多浮薄喜爲
諛譁以動主司主司每放榜則圍之以棘閉省門絕人出
入以爲常凝徹棘開門而士皆肅然無譁所取皆一時之
秀稱爲得人晋初拜端明殿學士兼判度支爲翰林學士
承旨晋高祖數召之問以時事凝所對皆稱旨天福五年
拜中書侍郎同中書門下平章事高祖將幸鄴而襄州安
從進反述已見凝曰陛下幸鄴從進必因此時反則將奈
何高祖曰卿將何以待之凝曰先人者所以奪人也請爲
宣勅十餘通授之鄭王有急則命將擊之高祖以爲然是
時鄭王爲開封尹留不從幸乃授以宣勅高祖至鄴從進
果反鄭王卽以宣勅命騎將李建崇焦繼勳等討之從進
謂高祖方幸鄴不意晋兵之速也行至花山遇建崇等兵

以爲神遂敗走出帝卽位加右僕射歲餘罷平章事遷左僕射漢高祖時拜太子太傅封魯國公顯德二年卒年五十八贈侍中凝好飾車服爲文章以多爲富有集百餘卷嘗自鏤板以行於世性樂善好稱道後進之士唐故事知貢舉者所放進士以已及第時名次爲重凝舉進士及第時第五後知貢舉選范質爲第五後質位至宰相封魯國公官至太子太傅皆與凝同當時以爲榮焉

和蒙字顯仁未成童教誦詩賦輒記不忘試爲咏物四詩頗有思致父凝賞嘆之語蒙兄峴曰蒙他日必以文顯第吾老不及見汝善保護之登太平興國進士釋褐霍邱簿雍熙初轉大理評事知崇仁縣轉運楊緘薦其才幹移知南昌代還刑部奏爲詳覆官遷光祿丞因凝所取古今史

氏姓譜

卷七十二

五歌

和氏

十一

傳聽訟斷獄辨雪冤枉等事著爲疑獄集益增事類分爲三卷以上併獻所著文賦五十軸名試中書擢太子中允淳化初又上凝所註古今孝弟集十卷遷直集賢院賜緋魚三年春獻觀燈賦詔付史館遷右正言廷試貢士預考校作歌以獻上稱賞之時摹印儒行篇賜及第人并三館臺省官皆上表謝蒙與張洎尤稱上旨因語李昉曰如蒙宰相子勤學自立有文章能荷構蓋不多得擢知制誥進水部員外郎知理檢院至道元年賜金紫與王旦同判吏部銓暴卒年四十五上聞驚嘆賙賻加等遣中使就家問狀并恤其孤授子瑛大理評事璪補齋郎生平因目眊不得居翰林近侍嘗好修飾容儀自五鼓張燈至辨色冠帶方畢每草制必精思討索而後成弟嶂由三班奉職淳化中獻文求試授大理評事

和斌字勝之濮州鄆城人選隸散直爲順德軍指揮使數
并敵被重創十餘知軍事劉兼濟以兄平敗執送京師并
逮其家斌密寓金帛他所慰安調護終始賴之定川之役
輟乘騎與將曹僕且戰且行得俱免狄青南征使將騎兵
爲前鋒說曰兵疲於險利在速戰遂有歸仁驛之捷師還
仁宗問破賊形曲加拊勞擢文思副使權廣西鈐轄留累
歲徙涇原神宗名對盛言交州有害無益願戒邊臣無妄
動進帶御器械渭部飢帥王廣淵命斌賑給擇地營居養
視有法所活萬數南安入寇復徙廣西累遷皇城使昭州
刺史撫水蠻羅世念犯宜州斌提步騎三千進討因示弱
驕之蠻果大入誘至平坂列入陣以待張疑兵左右山上
分精騎翼其旁蠻登嶺望見大驚斌自被甲步出士殊死
戰遂大敗率其舍黨四千八百內附遷領榮州團練使知

民姓譜

卷七十二

五歌

和氏

七

宜州進西上閣門使知邕州以老請還除高陽關副總管
歷步軍都虞候卒年八十贈寧遠防禦使斌老於爲將以
恩信得邊人心嶺南珍貨一無所畜邊吏欲希功造事皆
憚不敢發或巧爲謀報啟覺必折其姦謀故所至無事人
多稱之

和說斌子也以蔭爲河北副將累官右武大夫威州刺史
知雄州上制勝強遠弓式能被堅三百步外號爲鳳凰弓
進相州觀察使在鎮十年頗能偵敵遂與取燕之謀童貫
名計事悅之奏爲副統分麾下兵從种師道軍于白溝旬
有二日見契丹尚強遽變前說貫劾說說候不實貶濠州
團練使筠州安置平燕肆赦獨不得還後復官卒

和贊善曰侍東朝嘗陳其情素云小臣有母春秋之高至
入十有四無兄弟以爲養臣行年亦且六十雖有子僅四

歲耳烏烏私情其能已乎言訖潛然出涕上測然即日遣
批還

元

和元恕西平縣尹勸農興學折節好賢不爲表襮民有訟
不履鞭朴惟諭以曲直人知改悔在任五年公無負租蝗
不入境

和裕字仲寬廣平人大德間以孝廉舉任彭澤縣尉追石
振遺事建六角亭於讀書巖前教子姓讀書其中至今觀
者循景慕云

明

和維陵川人景泰初舉進士以浙江按察僉事致仕子障
登成化乙丑進士

和希文平定人學行過人洪武中擢用蒞職勤能官至刑

氏姓譜

卷七十二

五歌

和氏

古

部侍郎

和鸞字廷瑞山西平定人由舉人成化十一年任徐州知
州性梗介以廉慎自持以儉約臨民不阿上不虐下在治
人載深得民心陞湖廣襄陽府知府

和鵬字大舉山西人成化丁未進士性質堅凝不好物累
勞身率下如建學校葺廳宇取材聚斲皆躬爲處畫故民
不令而自勸廉潔出於天性不假矯飾居職久而益貧後
以母喪去任至鬻衣以資行人多憐之官至僉事

和承芳平定人宏治間舉人授濟寧州訓導勤于訓迪諸
生饒遺悉却之陞唐山知縣有惠政百姓愛之如父母

和豫平定人宣德舉人

和震祥符人萬歷丁丑進士

和障山東人成化進士

過氏

夏時諸侯澆之國也亦曰有過氏少康滅之今萊州掖縣北有過鄉子孫以國為氏望出高平

歷代名賢

漢

過急 荊州刺史

過翊 兗州刺史

宋

過源 字時源臨川人少穎異問其父曰聖賢之學何學曰心學曰何古多而今少曰非有古今在人為之耳於是篤志聖賢之學嘗曰人終身只是一箇窮理原不分知行行之至知之極也曰情發乎性由於性則明明則聖任乎情則蔽蔽則愚學者稱浩齋先生有語錄二卷

氏姓譜

卷七十二

五歌 過氏

五

過勗 字紹古源從孫博覽能文性至孝沒葬於崇仁高富嶂人呼過至孝墓有通神集三十卷收入祕閣

過勉 尚書郎

過卓 南豐人政和進士玉山令

過詡 建昌人登科

過正 已錄事參軍

過昱 字彥明豐城人母早卒刻木為像早暮漱盥飲食必進愈久愈勤閱世俗鮮知事親乃葺古人孝道類三十卷目曰至孝通神集寶元間第進士常攝全州事正民偽版均平稅役其斷訟必反覆務盡其情至施刑恒以惻怛為念終都官郎中居定林自號定林老叟

元

過宗 一海鹽人早喪父獨與母居張士誠畧地至海上宗

一負母逃與寇遇欲殺之以身蔽母中數槍賊舍之去既返益困傭以給食母卒六年不克葬寢苦服衰蔬食不變語輒泣下白燕巢其室東西相向及葬燕不復至

明

過興永樂中右府都督

過璘平湖人父訥始家華亭璘舉成化進士累官江西按察司副使致仕為人闡明方直遇事不避利害

過龍字雲從隱于醫著針灸要覽十四經發揮茶經各一卷與祝京兆文待詔遊自號十足道人年九十三卒文徵

明有十足道人傳

無錫人成化進士

過郁臨川人正德貢士壽昌縣教諭

過廷璽含山人嘉靖中任歸善縣知縣

氏姓譜

卷七十二

五歌 過氏

六

歷代列女

過氏邵寶之母以賢能著稱為閨闈之範子邵寶為南京禮部尚書性至孝甫十歲母疾為文告天願減已算延母年及終養歸得疾猶朝夕侍親側不懈

氏

臨海宮音夏時諸侯禮之國也少康滅之其地在宋鄭之間子孫以國為氏

歷代名賢

戈牛字德膠工詩會昌三年進士第有詩行世

戈彥池州兵馬都監

戈毅梁縣人舉進士第爲太康路提舉倡明正學盪滌餘習文風爲之一新

明

戈頽梁縣人明初歸附扈蹕拔採石下豫章平武昌陞都督

戈鑄字仲京鎮江人宣德進士

戈瑄字正玉景州人成化進士南京刑部尙書

戈九章直隸人嘉靖甲辰進士弟九疇嘉靖己未進士

歷代列女

戈氏吳縣人三歲父許字徐氏子後徐子殤戈誓不他適家人恐其未必堅也輒試之戈截耳以矢終身一室中

戈氏婦姓韓氏無錫人戈諫妻也年十七諫判永昌納爲妾後官僉事卒韓守節自誓或憐其少欲嫁之韓自盡於

氏姓譜

卷七十二

五歌

戈氏

七

私室分巡僉事安如山檄郡縣旌其門

娥氏

見姓苑

歷代名賢

南北

娥清代人也少有將畧累著戰功稍遷振威將軍劉裕遣將朱超石寇平原至畔城遁還清與長孫道生追之至河獲其將楊豐還拜給事黃門侍郎先是徙河民散居三州頗爲民害詔清徙之平城清善綏撫徙者如歸明元南巡幸鄴以清爲中領軍將軍與宋兵將軍周幾等渡河畧地至湖陸高平民屯聚林藪拒射官軍清等因誅數千家虜護萬餘口賜爵須昌侯清與幾等遂鎮枋頭太武初清自枋頭還京師假征南將軍進爲東平公蠕蠕大檀徙居漠

南清與平陽王長孫翰從東道出長川討之大獲而還轉
宗正卿尋從征蠕蠕又從平統萬遂與奚斤追赫連昌至
安定與昌相持及安頡擒昌昌弟定西走斤追之清欲尋
水而往斤不從遂與斤俱爲定所擒太武克平涼乃得還
後詔清鎮并州討山胡白龍於西河斬白龍父及其將帥
遂屠其城遷平東將軍與古弼等東討馮文通以不急戰

文通奔高麗檻車徵黜爲門卒遂卒於家

娥延清子也官至員外散騎常侍賜爵南平公

娥永樂武衛勇力絕人

娥喬閩清人永樂貢士任知縣

阿氏

風俗通伊尹爲阿衡支孫以官爲氏文河南官氏志阿

氏姓譜

卷七十二

五歌

阿氏

六

伏氏及阿賀氏並改爲阿

歷代各賢

阿光進河東牙將

阿阿馬龍州人納垢舍之後隱巖谷撰爨字字如科斗三
年始成字母一千八百四十號曰躋書爨人至今習之

阿刺威河西人大德初授武畧將軍富州達魯花赤州境
歲受水患馬湖墻衝決損田四十頃刺威至築堤三百丈
又修境內壞堤六十四處水復故道歲遂有秋

阿賢和州人正統貢士任知縣

阿文和州人成化貢士任教諭

阿其麟山西人嘉靖進士

阿有典惠安人嘉靖中嘉定縣主簿

河氏州名

歷代名賢

南北

河澗餘干人有膽畧元嘉間捕盧循將韓英有功授本邑令

五代

河澤

宋

河灝崇安人紹興進士

明

氏姓譜

卷七十二

五歌

河氏

九

河源字本清陝西涇州人正統中舉人由文安知縣歷擢知襄陽府天性敦朴行已不妄在任修學宮築大堤更漢江驛於城西剿叛逆於鄖漳山中全活人民甚衆立峴漢同清碑每事務以愛民爲本民亦愛戴之如父母卒葬於襄之百丈山子孫因占籍焉

河清醴陵人宣德中丹陽丞

河海海康人舉人正德中三水教諭

河治清桔陽人嘉靖中任歸善縣丞

蛾氏

見姓苑左傳晉大夫蛾析

軻氏

見姓苑

歷代名賢

明 軻興直隸人宣德間簡州衛千戶愛恤士卒崇尚禮義尤勤於政事

多氏

見姓苑漢東越將多軍封無錫侯韋昭曰多姓軍名又明河南浙川縣有多氏

歷代名賢

漢 多軍武帝時以東粵將軍降於漢封無錫侯邑千戶

宋 多卯軍子襲封無錫侯

多岳平宸授學

高氏

氏姓譜

卷七十二

五歌

軻氏

子

淮南子說山訓高氏之璧正字通音戈姓也

歷代名賢

南

高拯字叔濟歙人保大間令洞殘之餘撫綏有方民感之立去思碑

宋

高輔紹興間秀州教授

明

高校公安人宏治舉人

高崇沂州人正德中任崇安縣丞

高文光公安人登嘉靖戊子鄉薦簡重雅飭好學強記母

成氏有苦節文光善事之孝養備至初授四川巴縣令勤

慎慈惠視民若傷推理以情幾至無訟賦役與民期會不

事鞭笞與利除害皆以實心行之四民仰其廉平比入覲相率繪像私祀文光素不樂仕進懇乞休歸居家二十餘年絕迹公庭時或困於衣食有司者為餽粟帛皆不受清介之操始終無間生平學陶評者謂與潛後先無忝云所著有擬陶詩

歷代列女

高氏 婦姓成氏公安人高校妻也校卒氏年二十一守節三十餘年訓子文光舉於鄉嘉靖中旌

那氏

天水商音風俗通朝那東夷也其後單姓那氏

歷代名賢

那頡 遼西太守後燕

氏姓譜

卷七十二

五歌

高氏至二

那春 諾揚州刺史有惠德及民

那承 渡安祿山將

那尙 綱宜賓人宏治舉人

那正 儀宜賓人嘉靖舉人

禾氏

見姓苑

歷代名賢

禾實 元祐間知安遠事

馮氏

音多 廣韻漢有侈宗

罕氏

字典云姓也戰國策君所用者縹錯挈蒲也註衛二臣

名

哥氏

印鼓漢有哥異

虞氏

音化見直音

歷代名賢

明

虞五常慈州人萬歷間河南南陽衛指揮

鷲氏

明河南南鄭縣有鷲氏

渦氏

氏姓譜

卷七十二

五歌

釋氏至三

通志云楚大夫封渦因氏焉三輔決錄漢扶風太守渦

尚五代吳渦信

他氏

音他

歷代名賢

明

他羽字公子游俠東道

明

他滿莘野人洪武中任慶都丞

他盛容縣人永樂進士

他超蒼梧人正統舉人任知州

科氏

見姓苑

繁氏

正字通歌韻音婆商人七族有繁氏漢御史大夫繁延壽望出潁川上黨

歷代名賢

國

繁欽字休伯潁川人以文才機辯少得名於汝潁既長於書記又善為詩賦其所與太子書記輾轉意率皆巧麗為丞相主簿建安二十三年卒

下平聲

麻氏

風俗通齊大夫麻嬰之後望出上谷

歷代名賢

氏姓譜

卷七十二

五歌

繁氏

三

麻光御史大夫

麻達注論語

麻顛字長卿

書

麻秋太原人石勒將也植性彪險鴆毒有兒啼母輒恐之麻胡來啼聲絕至今以為故事

書

麻拱梁武先建茶以兵守蕭寶寅密計穿墻夜出之

書

麻察河東人由明經第五遷殿中侍御史

書

麻嗣宗後唐元功臣左金吾大將軍涼國公賜姓李氏改名延昌子藏珍

麻溫舒大中祥符及第天禧中爲太子中允直集賢院
麻希夢臨淄人官參軍年九十餘太宗召至闕下訪以養
生之術對曰惟少清寡慾節聲色薄滋味故至此上嘉之
賜金紫致仕

麻景孫希夔子太平興國進士

麻仲英景孫子七歲能詩以親之祿不及養不復肯仕博
學有行鄉里推服雖凶年盜不入其家富韓二公守青州
致書幣薦其行義名爲國子助教東方學者咸尊師之

麻士龍元兵入常州文天祥言尹玉及士龍援之率殘兵
五百奮勇與元兵大戰死之贈高州刺史五百人無一降
者皆死之

氏姓譜

卷七十二

五歌

麻氏

二四

麻九疇字知幾易州人三歲識字七歲能草書作大字有
及數尺者薦爲神童章宗召見問汝年幼入宮殿中懼否
對曰君臣父子也子寧懼父耶大以爲奇弱冠入太學有
文名南渡後寓鄆蔡間入遂平西山以古學自力博通五
經尤長易與春秋興定末試開封府詞賦經義皆居首選
南省復然聲譽大振雖婦人小兒皆知其名及廷試以誤
出士論惜之正大初門人王說王采苓俱中第上怪其年
幼問知嘗師九疇平章侯摯薦之特賜盧亞榜進士九疇
性資野逸高蹇自便與人交一語不相入則逕去不返顧
以病未拜官告歸再授太常寺大祝權博士俄遷應奉翰
林文字自度不能終與世合復謝病去居鄆城天興兵亂
挈家走確山爲元兵所得馳至廣平病死年五十初精易
學後喜邵堯夫皇極書因學算數兼通卜筮射覆之術晚

更喜醫與張子和游盡傳其學其所著書爲潤色之明昌
以來稱神童者五人太原常添壽四歲能作詩劉滋劉微
張漢臣後皆無稱獨九疇能自樹立爲文精密奇健詩尤
工緻後以避謗持戒不作者舊如趙秉文以徵君目之而
不名

明

麻僖慶陽人父永吉由庶吉士爲御史終湖廣按察使以
清操聞僖舉萬歷三十五年進士授庶吉士改兵科給事
中代王長子鼎渭許父廢長立劾僖劾代王無君鼎渭無
父四十年疏陳納諫爭舉枚卜補大僚登遣佚速考選數
事不報已復請重武科復比試清納級汝家丁恤班操急
邊餉時亦不能用遼東巡撫楊鎬請用舊將李如梅以僖
言改用張承蔭承蔭未至而鎮遠堡曹莊相繼失事鎬皆

氏姓譜

卷七十二

五歌

麻氏

二五

不以實聞僖兩疏劾之鎬旋引去已與同官孫振基等劾
熊廷弼殺人媚人又言湯賓尹取韓敬闕節顯然尋乞假
歸四十五年京察賓尹黨用事以僖倚附東林謫山西按
察知事天啟二年起兵部主事歷尙寶丞少卿改太常五
年六月魏忠賢黨御史陳世竣劾之遂落職崇正初復官
致仕家居十六年冬李自成陷慶陽僖死之

麻貴大同右衛人父祿嘉靖中爲大同參將從鎮帥劉漢
襲板升大獲俺答圍右衛祿與副將尙表固守乘間擊斬
其部長寇乃引退辛愛犯京東祿以宣府副總兵入衛與
于遊擊錦竝有却敵功貴由舍人從軍積功至都指揮僉
事克宣府遊擊將軍隆慶中遷大同新平保參將寇大入
掠山陰懷仁應州將吏竝獲罪獨貴與兄副將錦拒戰有
功受賞萬歷初再遷大同副總兵十年冬以都督僉事充

寧夏總兵官無何徙鎮大同時諸部納款久瘞力克襲封
順義王奉中國益虔貴類以安邊勞蒙賜賚十九年爲閩
視少卿曾乾亨所劾謫戍邊明年寧夏哱拜反廷議貴健
將知兵且多畜家丁乃起戍中爲副將總兵討賊屢攻城
不克其五月哱拜以套寇五百騎圍平虜堡貴選精卒三
百間道馳却之俄以總督魏學會命撫着力兎銀定宰僧
於橫城啖以重利皆不應貴乃還攻城寧夏總兵董一奎
攻其南固原總兵李煦攻其西故總兵劉承嗣攻其北牛
秉忠攻其東貴以游兵主策應哱拜自北門出戰將往勾
套部貴逐之入城別遣將馬孔英麻承詔等擊套寇援兵
俘斬百二十人拜初與套部深相結諸部長稱之爲王日
坐著力兎帳中主籌畫至是不敢復出俄朝命蕭如薰代
董一奎盡將諸道援兵以貴爲副而李如松軍亦至攻益

氏姓譜

卷七十二

五歌

麻氏

六

急賊奉黃金繡蟒於卜失兔等請急徇靈州先據下馬關
沮饒道卜失兔與莊禿賴果合兵犯定邊而宰僧從花馬
池西沙湃入貴迎擊挫宰僧於石溝會董一元搗土昧巢
諸部長俱解去賊復乞援於著力兎擁衆大人如松率勁
騎迎戰張亮堡自卯迄巳敵銳甚會貴及李如樟等兵至
夾擊之寇乃却逐北至賀蘭山獲首級百二十餘持示賊
賊益恟無何城破賊盡平貴以功增秩予廕尋擢總兵
官鎮守延綏二十二年七月卜失兔糾諸部深入定邊營
張春井貴乘虛搗其帳於套中斬首二百五十有奇還自
寧塞復邀其零騎會寇留內地久轉掠至下馬關寧夏總
兵蕭如薰不能禦總督葉夢熊急檄貴赴援督副將蕭如
蘭等連戰驅馬臺薛家窪斬首二百三十有奇獲畜產萬
五千帝爲告廟宣捷進署都督同知予世蔭明年卜失兔

復入寨掠八日而還順義王捨力克約之納款不從復擬
大入貴勒兵萬五千人遊擊閻逢時等出紅山爲中軍參
將師以律等出高家堡神木孤山爲左軍參將孫朝梁等
出定邊安邊平山爲右軍而自以大軍當一面銜枚疾趨
踰塞六十里寇莫知所防大潰俘斬四百有奇獲馬駝牛
羊千五百再進秋予廕尋以病歸二十五年日本封事敗
起貴備倭總兵官赴朝鮮已加提督盡統南北諸軍貴馳
至王京倭已入慶州據閑山島圍南原守將楊元遁全州
守將陳愚衷亦遁倭乘勢逼王京貴別遣副將解生守稷
山朝鮮亦令都體察使李元翼出忠清道遮賊鋒生頗有
斬獲功參將彭友德亦破賊青山倭將行長退屯井邑清
正還慶州經畧邢玠經理楊鎬先後至分兵三協左李如
梅右李芳春解生中高策貴與鎬督左右協兵專攻清正

氏姓譜

卷七十二

五歌

麻氏

七

策駐宜寧東援兩協西扼行長諸軍至慶州倭悉退屯蔚
山如梅誘敗之清正退保島山築三砦自固遊擊茅國器
率死士拔其砦斬馘六百五十諸軍遂進圍其城城新築
以石墜甚將士仰攻多死圍十日倭襲敗生兵明年正月
二日行長來援九將兵俱潰賊張旗幟江上鎬大懼倉皇
撤師以捷奏旣而敗狀聞帝罷鎬責貴以功贖與劉綎陳
璘董一元分四路貴居東當清正數戰有功會平秀吉死
官軍益力攻十一月清正先遁貴遂入島山西浦諸路共
俘斬二千二百有奇明年三月旋師進右都督予世廕三
十八年命貴鎮遼東泰寧炒花素桀驚九子各將兵他部
率賽煖兔又助之邊將畏戰但以增歲賞爲事寇益無所
忌明年臨邊要賞將士出不意擊之拔營遁徒額力素居
焉其地忽天鳴地震炒花驚懼再徙渡老河去邊幾四百

里其第三子色特哂之南移可毋林伺隙入犯貴伏兵敗之追北至白雲山斬馘三百四十有奇色特憤謀復讐糾宰賽以兒鄧皆不應乃東糾卜言顧伯要兒西糾哈刺漢乃鬻合犯清河皆潰以兒鄧等懼代炒花求款邊境乃寧明年插漢虎墩兔以三萬騎入掠穆家堡禦之敗去其夏貴引病乞罷詔乘傳歸貴果毅驍捷善用兵東西竝著功伐先後承特賜者七錫世廕者六及歿予祭葬稱一時良將焉

麻鑑貴兄也少從父行陣有戰功累官千總協守大同右衛千戶魏昂者坐罪亡入沙漠引寇至城下挾取妻子錦伏甲禽之俺答圍城數突圍城卒完尋以殺人并父奪官下吏當事以塞上方用兵而錦父子兄弟竝敢戰曲法貸之屢遷宣府遊擊將軍以勤王功進秩一等遷大同參將

氏姓譜

卷七十二

五歌

麻氏

六

隆慶初進本鎮副總兵從趙岢出塞敗寇兵與弟貴芳有保境功俺答納款錦拓塞外叛人歸者甚衆萬歷五年擢山西總兵官尋改鎮宣府卒錦子承勛遼東副總兵都督僉事南京後府僉書從子承恩都督同知宣府延綏大同總兵官更歷諸鎮以勇力聞後起援遼東屢退避下獄當死詔內馬八百匹免罪其家遂破承詔寧夏參將從平哮拜有功後爲蒼頭所弑承訓薊鎮副總兵承宣洮岷副總兵承宗遼東副總兵天啟初戰死沙嶺麻氏多將才人以方鐵嶺李氏曰東李西麻

麻冕安化人宏治中歲貢授刑部主事歷陞福建左布政使興利除弊累著勞績士論榮之

麻善勤黃巖人成化中任雩都縣丞

麻志安化人成化中任永年丞

麻漳大同人正德進士

麻芝石州人正德中永年丞

麻臻大名人去治已酉舉人滕縣知縣

麻瀛宣城人嘉靖進士歷官戶部郎中

麻濟邢石州人嘉靖進士

麻三衡寧國人布政使溶孫也初金聲起兵績溪三衡舉兵應之時郡城已失三衡駐稽亭旁近吳太平阮恒阮善長劉鼎甲胡天球馮百家與俱起號七家軍皆諸生也三衡旣敗歿太平等亦死

歷代列女

麻姑石勒將麻秋之女其父猛悍人畏之築城嚴酷晝夜不止惟鷄鳴乃息姑賢有恤民之心假作鷄鳴羣鷄效聲衆工乃止父覺欲撻之女懼而逃入仙姑洞修道後於城

氏姓譜

卷七十一

六麻 麻氏

元

北石橋飛昇追者不及各其橋曰望仙後七夕日麻姑降蔡經家貌似十八九歲女子衣有文章而非錦繡進金盃玉杯擘麟脯酒自言見蒼海山爲桑田蓬萊水亦淺矣以米擲地皆成丹砂王方平笑曰吾了不喜作狡獪也麻姑手似烏爪蔡經心想好爬背痒神人鞭其背後有題麻姑壇云五百年來別恨多東征重得見青娥擘麟方擬窮勸飲無奈旁人背癢何麻姑壇在撫州顏真卿作記綵雲軒在惠州府冲虛觀唐開元天寶中因麻姑仙立夷堅志云劉氏鯉堂前有大槐忽夢一女官自稱麻姑乞此樹修廟劉謾許之旣寤異其事後數日風雷大作失槐所在卽詣麻姑廟槐已臥其前矣重和初賜額曰顯異麻氏女光山八年十四許字錢寧未嫁寧舉家病疫夫死同母往視姑湯藥自經夫旁事聞建坊旌表

花氏

官音出何氏姓苑望出東平

歷代名賢

花季陸倉部員外郎

花敬定驍勇過人上元初段子璋反於蜀時崔光遠為成都尹敬定為牙將討平之杜甫詩云成都猛將說花卿學語小兒知姓名

花尹尚書郎

花世補知揚州

花氏譜

卷七十二

六麻 花氏

三

花雲懷遠人貌偉而黑驍勇絕倫至正十三年癸巳仗劍謁太祖於臨濠奇其才俾將兵畧地所至輒克破懷遠禽其帥攻全椒拔之襲繆家寨羣寇散走太祖將取滁州率數騎前行雲從猝遇賊數千雲舉鉞翼太祖拔劍躍馬衝陣而進賊驚曰此黑將軍勇甚不可當其鋒兵至遂克滁州甲午從取和州獲卒三百以功授管勾乙未太祖渡江雲先濟遂克太平以忠勇宿衛左右從下集慶獲卒三千擢總管徇鎮江丹陽丹徒金壇皆克之過馬馱沙劇盜數百遮道索戰雲且行且鬪三日夜皆禽殺之授前部先鋒從拔常州守牛塘營太祖立行樞密院於太平擢雲院判丁酉克常熟獲卒萬餘命趨寧國兵陷山澤中八日羣盜相結梗道雲操矛鼓謀出入斬首千百計身不中一矢還駐太平庚子閏五月陳友諒以舟師來寇雲與元帥朱文

遜知府許援院判王鼎結陣迎戰文遜戰死賊攻三日不得入以巨舟乘漲緣舟尾攀堞而上城陷賊縛雲奮奮身大呼縛盡裂起奪守者刀殺五六人罵曰賊非吾主敵盍趣降賊怒碎其首縛諸檣叢射之罵賊不少變至死聲猶壯年三十有九瑗鼎亦抗罵死太祖卽吳王位追封雲東邱郡侯瑗高陽郡侯鼎太原郡侯立忠臣祠並祀之方戰急雲妻卽祭家廟挈三歲兒泣語家人曰城破吾夫必死吾義不獨存然不可使花氏無後若等善撫之雲被執卽赴水死侍兒孫壑畢抱兒行被掠至九江孫夜投漁家脫簪珥屬養之及漢兵敗孫復竊兒走渡江遇債軍奪舟棄江中浮斷木入葦洲採蓮實哺兒七日不死夜半有老父雷老絜之行踰年達太祖所孫抱兒拜泣太祖亦泣真兒膝上曰將種也賜雷老衣忽不見賜兒名焯累官水軍衛

氏姓譜

卷七十二

六麻

花氏

三

指揮僉事五世孫爲遼復州衛指揮請於世宗贈卽貞烈夫人孫安人立祠致祭

花茂巢縣人初從陳瑊先已而來歸從定江左滅陳友諒平中原山西陝西積功授武昌衛副千戶征西蜀克瞿唐關入重慶下左右兩江及田州進神策衛指揮僉事調廣州左衛平陽春清遠英德翁源博羅諸山寨叛蠻及東莞龍川諸縣亂民進指揮同知平電白歸善賊再遷都指揮同知世襲指揮使數剿連州廣西湖廣諸徭賊上言廣東南邊大海姦宄出沒東莞筍岡諸縣逃蠻戶附居海島遇官軍則詭稱捕魚遇番賊則同爲寇盜飄忽不常難於訊詰不若籍以爲兵庶便約束又請設沿海依山廣海碣石神電等二十四衛所築城浚池收集海島隱料無籍等軍仍於山海要害地立堡屯軍以備不虞皆報可進都指

揮使人之卒賜葬安德門長子榮襲職次子英果毅有父風亦以軍功爲廣東都指揮使有聲永樂中

花綸吉水人洪武中鄉會俱第一廷試一甲第二

花潤玉字蘊玉福建人永樂進士初爲古田令政績甚著擢提學僉事性資剛方詩文雅健晚年言動愈謹足跡未嘗輕至公府

花魁騰驤人正德舉人山東兗州同知

花本滁州人正統中廣平府推官

花潤實弋陽人成化中任平陽府通判

花有馥郴州人嘉靖中貴州安順州知州

歷代列女

花氏名木蘭商邱人父孤病不能從軍爲有司所苦木蘭代父戍邊十二年人不知爲女歸賦戍邊詩一篇其詩曰

氏姓譜

卷七十二

五歌 花氏

三

促織何唧唧木蘭當戶織不聞機杼聲惟聞女歎息問女何所思問女何所憶女亦無所思女亦無所憶昨夜見軍帖可汗大點兵軍書十二卷卷卷有爺名阿爺無大兒木蘭無長兄願爲市鞍馬從此替爺征東市買駿馬西市買鞍韉南市買轡頭北市買馬鞭旦辭爺娘去暮宿黃河邊不聞爺娘喚女聲但聞黃河流水聲濺濺旦辭黃河去暮宿黑山頭不聞爺娘喚女聲但聞胡騎聲啾啾萬里赴戎機闕山度若飛朔氣傳金柝寒光照鐵衣將軍百戰死壯士十年歸歸來見天子天子坐明堂策勳十二轉賞賜百千強可汗問所欲木蘭不用尙書郎願馳千里足送兒還故鄉爺娘聞女來出郭相扶將阿姊聞妹來當戶理紅粧小弟聞姐來磨刀霍霍向猪羊開我東閣門坐我西閣床脫我戰時袍着我舊時裳當窻理雲鬢對鏡帖金黃出門

看夥伴夥伴始驚惶同行十二年不知木蘭是女郎雄兔
脚撲朔雌兔眼迷離雙兔傍地走安能辨我是雄雌杜牧
題木蘭廟詩云彎弓征戰作男兒夢裡曾經學畫眉幾度
思歸還把酒拂雲堆止祝明妃

查氏

側加切望出齊郡

歷代名賢

查祥鄱陽富人

五代

查文徽歙州休寧人仕南唐為中書舍人以平閩功累遷

建州節度使官至兵部尚書子元方仕為建州判官宋平

江南盧絳據歙遣使傳檄至建元方斬其使及絳被擒太

氏姓譜

卷七十二

六麻

查氏

三

祖聞元方所為優獎之拜殿中侍御史知泉州

宋

查道字湛然休寧人祖文徽仕南唐至工部尚書父元方

建州觀察判官歸朝拜殿中侍御史知泉州卒道幼沉寤

不羣罕言笑未冠以詞業稱奉母盡孝方冬苦寒母病思

鰾美泣禱於河鑿冰得鰾尺許以饋病亟剖臂血寫佛經

母尋愈端拱初中高第解褐館陶尉曹彬辟為從事甚被

禮遇改興元觀察推官冠準薦其才授著作佐郎淳化中

蜀寇叛命通判遂州道性純厚潔廉部使者上其狀遷秘

書丞徙知果州寇黨何彥忠擁衆屯西充之大木槽詔書

招之未下道單馬趨賊壘諭以詔意有識之者曰此仁郡

守也寧害我乎相率投戈羅拜賜其酋冠帶餘悉給券歸

農驛聞壘書褒諭咸平四年代歸賜緋魚上言朝廷命轉

運使副不但綜核錢穀兼以廉察郡縣今所至或不盡職
良由未設懲勸之科致成因循之弊自今每使回日令具
任內舉劾實跡議其臧否以爲賞罰詔從之出知寧州舉
賢良方正策入等拜左正言直史館未幾爲西京運副六
年召拜工部員外郎充度支副使賜金紫以治劇非其所
長罷知襄州祥符元年歸直史館再轉刑兵二部員外郎
預修冊府元龜歷龍圖閣待制刑部右司郎中判吏部選
事糾察在京刑獄使契丹還以耳聵表求外任知虢州會
蝗災出廩賑救給麥種民賴以濟所至務寬恕胥吏有過
未嘗笞罰民逋或出已錢賞之嘗出按部從者摘路旁棗
以獻道計直掛錢於樹而去兒時常畫地爲大第曰此當
分贍孤遺及貴官舍多聚親族祿賜散施隨盡不以屑意
與人交情誼篤至初赴舉時親族哀贈以錢過滑臺遇父

氏姓譜

卷七十二

六麻

查氏

三

友呂翁之喪將鬻女以葬道傾錢與之爲其女擇壻別加
資遣有故人卒質女爲婢道贖還之縉紳服其履行好學
嗜奕深信內典平居茹蔬或止一食默坐終日服玩卑儉
嘗夢神人語以位至正郎壽至五十七後享年六十四蓋
積善所延云子循之官大理評事有集二十卷

查陶字大均道從兄也登南唐唐明法科補常州錄事參軍
歸朝詔試律學除大理寺丞遷寺正歷侍御史判大理寺
賜緋遷工兵二部郎中知台州咸平中遷秘書少監屢攻
知審刑楊億過失命代之賜金紫卒年七十子拱之淳化
三年進士後爲都官郎中慶之太子中舍

查文熙宣城涇縣武德池南岩三州刺史

查許國海陵人精於六經以奉議郎贊帥幕僑荆南開門
教授門人往往登科忽一日從容書曰七十三年聖師之

壽許國何人敢繼其後唯是平生恪遵善誘故從門人啟
予足手卽端坐瞑目加朝服而終

查深廣德人隱居力學治平間守郡錢公輔薦於朝力辭
乃爲築堂於城西各曰清容延請教誨郡人子弟儒風日
振號清容先生有文集二十卷

查寶之海陵人爲石埭令秩滿致政歸日與親友談論自
娛未嘗干有位不增田廬日子孫能守吾清白之訓足矣

查揆深之孫幼俊敏能文熙寧中升上舍生神宗問近臣
舍選得人以有以江南查揆張汝舟對後第進士爲太學博
士臥疾不起陳紆以詩悼之曰舍法得才傳黼辰古人馳
譽重賢關

查籛字元華休寧人待制道之後累官太府少卿與李浩
等爲五賢以材諍聞

氏姓譜

卷七十二

六麻

查氏

三

查盛泰州人雍熙登科

查就盛孫皇佑進士

查應辰熙寧進士

明

查仲道字文夫寧州人正德進士授兵部武庫司主事會
當南巡伏闕號諫杖於廷嘉靖初遷郎中陞杭州知府時
織造太監吳勳橫甚仲道每事輒阻抑之竟爲所誣逮至
京謫福建運同轉知汀州府卒於官民爲之立祠

查允中休寧人洪武間知零都縣時流賊犯境征南師應
給軍需民不告擾撫綏有方民得安堵

查應兆字瑞徵長洲人正德進士授工部主事視浙權鎮
守中奄方倨侮諸使者無敢出一言適與二御史同報謁
奄將據上坐笑引却之曰公真耄耶何忘主客禮乃倉卒

無以答卒讓席時奄橫甚林司寇俊爲其所忌因極言宦者奸狀請戮之名還俊時嘉其敢言調駕部大司馬李以論事數相忤應兆曰人臣奉天子寧能舍法有所侵亂李爲之屈永嘉賢而重之復以事大忤出參議山東發伏摘奸若神數引大體不爲苛細歷布政使

查秉彝字性甫海寧人嘉靖戊戌進士由黃州推官歷戶科左給事中數建白時事終順天府尹子志學志宏舉人志立進士

查鐸字子警涇縣人嘉靖四十五年進士隆慶時爲刑科左給事中忤大學士高拱出爲山西參議萬歷初官廣西副使移疾歸繕水西書院講王畿錢德洪之學後進多歸**查允元**字虞臯海寧人萬歷進士歷禮部郎中出爲江西提學僉事再任江西參政持守廉介蒞事六載終始不移

氏姓譜

卷七十二

六麻

查氏

三

衡文不爽毫髮所拔士皆登上第歷通顯遜國忠臣練子寧八世孫絢自福建長樂回原籍允元訪得之留縉家峽且給衣巾復給學租百石令奉祀金川書院性恬退未五十以疾乞休

查琛字伯玉星子人器量宏遠讀書窺見大義與士大夫講論古今人物歷歷皆有條貫洪武中以賢良徵年老不赴其子桴字濟海永樂進士官至禮部祠祭司郎中以孝友著自號潭隱建有龍潭書院

查道亨懷寧人嘉靖時壽九十五妻莫氏年九十七蒼顏皓首夫婦齊眉時人榮之

查孚江西人永樂進士

查煥海寧人宏治進士

查約字原博海寧人宏治進士嘉靖二年任江西副使多

憲政水葉自勵治行爲一時最官至山東巡撫

查懋光字允謙長洲人嘉靖進士

查懋昌字允言長洲人嘉靖甲辰進士

查光述字子孝常熟人嘉靖丙辰進士任御史

歷代列女

查氏屋子錢孟昭妻與孟琳妻梅氏爲妯娌俱以節終

查氏婦姓楊名六娘吳江查革妻年十七而嫁後有娠未

產而夫卒及生子名勝十撫之以繼宗祀洪武十九年旌

表

查氏婦姓王氏廣濟人查文生妻也姑病足不離床褥氏

扶持無倦色流寇至執不從遂死

查氏婦姓陳氏寧州人查仲儒妻也事舅姑盡孝時家違

疫癘姑徐氏在牀褥家人悉遠避陳朝夕侍側竟無恙人

氏姓譜 卷七十二 六麻 查氏 三七

以爲誠孝所致徐後病革以幼女及幼甥女托之曰汝善

撫育吾瞑目矣因感泣唯諾後皆爲之擇配厚嫁之

查氏居守之季子翰隆妻也夫早喪氏年二十一苦節三

十餘載五十二卒子鴻基生不識父倚母爲父爲師訓以

祖德忠厚復以先世遺書嚴飭之鴻基學博有聲士林閔

自寅牒詳旌表

車氏

尺遮切嬌姓漢武帝時丞相田千秋以年老詔乘小車

出入省中時號車丞相子孫因氏焉又後魏跌屬曰車

襯氏改爲車氏望出京兆

歷代名賢

漢

車成則字長孺

車浚南平人也。有令名。陸遜聞而慕之。請以相見。謂曰。早
欽風彩。何乃龍蟠鳳峙。不肯降顧耶。答曰。誠知公侯敦公
巨之博納。同尼父之善誘。然蜥蜴不能假重雲以升。舉鶻
雀不能從激風以飛揚。是以無因爾時。坐上賓客。多是吳
人。皆相顧謂曰。武陵蠻夷郡。乃有此奇人也。浚曰。吳太伯
端委之化。以改被髮文身之俗。今乃上擬聖主。下生賢佐。
亦何常之有。遜嘆曰。國其昌也。乃有斯人。

車胤字武子。會祖浚。吳會稽太守。父育郡主簿。太守王胡
之名。知人。見胤於童幼之中。謂胤父曰。此兒當大興卿門。
可使專學。胤恭勤不倦。博學多通。家貧。不常得油。夏月。則
練囊盛數十螢火。以照書。以夜繼日焉。及長。風姿美劬。機
悟敏速。甚有鄉曲之譽。桓溫在荊州。辟為從事。以辯識義

氏姓譜

卷七十二

六麻

車氏

三

理深重之。引為主簿。稍遷別駕。征西長史。遂顯於朝廷。時
惟胤與吳隱之。以寒素博學。知名於世。又善於賞會。當時
每有盛坐。而胤不在。皆云。無車公。不樂謝安游集之日。輒
開筵待之。寧康初。以胤為中書侍郎。闕內侯。孝武帝常講
孝經。僕射謝安侍坐。尚書陸納侍講。侍中卞耽執讀。黃門
侍郎謝石。吏部郎袁宏。執經胤與丹陽尹王混。搃旬時論
榮之。累遷侍中。太元中。增置太學生百人。以胤領國子博
士。其後年議郊廟明堂之事。胤以明堂之制。既甚難詳。且
樂主於和禮。主於敬。故質文不同。音器亦殊。既茅茨廣廈。
不一其度。何必守其形範。而不宏本順時乎。九服咸寧。四
野無塵。然後明堂辟雍。可光而修之時。從其議。又遷驃騎
長史。太常。進爵臨湖侯。以疾去職。俄為護軍將軍。時王國
寶諂於會稽王道子。諷入坐。啟以道子為丞相。加殊禮。胤

曰此乃成王所以尊周公也今主上當陽非成王之地相
王在位豈得爲周公乎望實二三並不宏爾必大忤上意
乃稱疾不署其事疏奏帝大怒而甚嘉亂隆安初爲吳興
太守秩中二千石辭疾不拜加輔國將軍丹陽尹頃之遷
吏部尚書元顯有過亂與江續密言於道子將奏之事泄
元顯逼令自裁俄而亂卒朝廷傷之

車濟字萬度敦煌人也果毅有大量張重華以爲金城令
爲石季龍將麻秋所陷濟不爲秋屈秋必欲降之乃臨之
以兵濟辭色不撓曰吾雖才非龐德而受任同之身可殺
志不可移乃伏劍而死秋嘆其忠節以禮葬之後重華迎
致其喪親臨慟哭贈宜禾都尉

車灌豫章太守

南

氏姓譜

卷七十二

六麻

車氏

元

車伊洛世爲東境部落帥恒修職貢太武錄其誠款延和
中授伊洛平西將軍封前部王賜絹一百匹綿一百斤纈
衣一具金帶鞞帽伊洛大悅規欲歸闕沮渠無諱斷路伊
洛與無諱連戰破之時無諱卒其弟天周奪無諱子乾壽
兵規領部曲伊洛前後遣使招喻乾壽等率戶五百餘家
來奔伊洛送之京師又招喻李實弟欽等五十餘人送詣
敦煌伊洛又率部衆二千餘人伐高昌討破焉耆東闕七
城虜獲男女二百人駝千頭馬千匹以金一百斤奉獻先
是伊洛征焉耆留其子歇守城而安周乘虛引蠕蠕三道
圍歇并遣使謂歇曰爾父已投大魏爾速歸首當賜爾爵
號歇固守連戰久之外無救援爲安周所陷走奔伊洛伊
洛收集遺散一千餘家歸焉耆鎮太武嘉之正平元年詔
伊洛曰歇年尙幼能固守城邑忠節顯著朕甚嘉之可遣

歌詣闕伊洛令歌將弟波利等十餘人赴都正平二年伊洛朝京師賜以妻妾奴婢田宅牛羊拜上將軍王如故興安二年卒贈鎮西大將軍秦州刺史謚曰康王賜繡絹雜綵五百匹衣二十七襲葬禮依盧魯元故事歌襲爵皇興末拜使持節平西將軍豫州刺史延興三年卒子伯主襲爵波利天安二年拜立節將軍樂官侯皇興三年卒兄子洛都襲爵

車路頭代人也少以忠厚選給東宮爲明元帳下帥善自修立謹慎無過失天賜末明元出於外路頭隨侍竭力及明元卽位拜爲散騎常侍賜爵金鄉公加忠意將軍後改爲宣城公明元性明察羣臣多以職事遇譴至有杖罰故路頭優游不任事侍宿左右從容談笑而已路頭性無害每至評獄處理常獻寬恕之議以此見重於朝明元亦敬

氏姓譜

卷七十二

六麻

車氏

罕

納之寵待隆厚賞賜無數當時功臣親幸莫及泰常六年卒明元親臨哀勸贈侍中左衛大將軍太師宣城王謚曰忠貞喪禮一依安成王叔孫俊故事陪葬金陵子眷襲爵車威齊人兄弟並見執於赤眉將食之威叩頭乞以身代賊哀而兩釋焉

宋

車若水字清臣黃巖人與同郡周敬孫楊珏陳天瑞黃超然朱致中薛松年俱師事金華王柏講明性理若水博學工古文自號玉峯山民所著有宇宙畧紀玉峯冗藁

車東南越人淳佑進士

明

車誠浙江餘姚人洪武初禎上知縣守職廉謹以誠信治民政化大行尋以績最陞知光州

車敬山西陽曲人洪武中南陽縣知縣清慎方介政令一新興學勸農平徭均稅芟鋤凶惡囹圄空虛民到於今稱之

車濟字用暹平樂人御史舒之子景泰間以貢任贛州府照磨督南糧有功陞恩南府通判過邵陽訪翟同知福麟樂其風土因偕家焉

車義臨淮人永樂進士歷知府

車清長寧人永樂進士

車霆石州人成化進士任右僉都御史

車泰字子謨金谿人與兄弼宗弟亨俱受業康齋而泰最久篤信力行師友咸稱之齋應聘歸遣泰詣闕謝朝紳如四明楊守陳瓊山邱濬皆有贈述期其用世而泰竟不仕泰之學以小學爲階梯而要歸於禮尤邃於易春秋其

氏姓譜

卷七十二

六麻

車氏

四

大書絕類康齋詩文亦平實渾淡以敦復名齋有敦復遺稿存於家

車政薪都人博學隱居父卒政年十四哀毀死而復蘇旣葬朝夕培墳有青兔芝草之祥事母極孝母病草祈天滅已壽益母病果愈人以爲誠孝所感

車夢瑤字玉符金谿人天啟進士歷任陝西副使駐涼州涼爲河西極邊以軍功陞湖廣按察使治兵辰州會推河南巡撫命未下卒崇正十三年察檄甘肅功特贈三級賜銀綺卹其家

車純字秉文浙江上虞人正德進士歷官戶部侍郎

車軫宜黃人正德中龍安訓導

車觀宜黃人正德中爲平江訓導

車邦佑字翔卿博平人嘉靖戊戌進士

車深山西永寧人宏治三年進士授御史十五年條劾時
政中官言東廠錦衣衛所獲盜先嚴刑具成案然後送司
法司法不敢平反請自今經送司法毋先刑訊章下未報
主東廠者言梁之從父霆先以罪爲東廠所發今日挾私
妄言遂下梁詔獄給事御史交章論救乃得釋仕至漢陽
知府

車大敬邵陽貢生究心理學言行篤實尤以孝友著齋產
以資兄宦爲善於鄉薰其德而善良者爲多卒年九十
車泌書字香涵性篤孝友時值變亂奉父入山卽流離困
苦中甘旨不乏母范偶病親奉湯藥刻不敢離弟洛書早
喪泌書撫其二孤婚娶教迪如己子妹氏家日落曲體母
心迎其一門養於家食指數百以一寒素支持凡可以得
母歡者無不力致母年九十五卒泌書亦六十六號泣哀

氏姓譜

卷七十二

六麻

車氏

三

毀特甚值世變匿山不起卒年六十九與其父同祀鄉賢
車大任字子仁邵陽人幼穎悟稱奇童萬歷進士授南豐
知縣縣自嘉靖寇災後戶多棄田大任力請召民便買以
懸賄累疏入報可且檄各州倣行之累遷知福州府時日
本弗靖乃練軍實繕城隍首行常平社倉法歷溫處參政
六載海氛盡息施乞養歸

車以禮字孝思大任中子與中湘周聖楷景陵譚元春嘉
魚任宏震互相酬倡明末舉明經年逾四十詩益工諸體
無所不備凡三修郡志卒年八十有三

車萬合邵陽人大任之孫天啟辛酉舉鄉薦第一杜門著
述有京兆外篇行於世

歷代列女

車母遭宋廬陵王青泥之難其子爲虜所得在賊營中母

先來奉佛卽燃七燈于佛前夜精心念觀世音願子得脫如是經年其子復叛還七日七夜獨行自南走常值天陰不知東西遙見有七段火光望火而走似村欲投終不可至如是七夕不覺到家見其母猶在佛前伏地又見七燈因乃發悟母子共談知是佛力自後懇禱專行慈悲

氏長沙人駱文吾妻也明末避兵山中被執逼以告夫

匿處車氏佯諾引至油舖橋投水死

車氏婦邵陽人姓王氏車承道妻參政大任之母也性純厚姑朱氏嚴重寡言笑氏承顏順志朱極賢之萬歷庚辰大任成進士後承道卒大任補嘉興太守擢嘉湖觀察皆迎養官署奉母教惟謹年八十八卒

車氏婦金陵人姓羅氏爲邵陽車大任側室奉姑王氏甘旨必手調候寢息齟聲乃離側仲子以遜三歲失恃撫視

氏姓譜

卷七十二

六麻

車氏

三

如已出後大任子歸養氏贊成內政出入惟謹年六十卒

家氏

通志云姬姓周大夫家父之後以字爲氏又魯有子家氏亦爲家氏魯之公族望出南安京兆

歷代名賢

家父作誦以究王誦

漢

家羨爲劇令

唐

家師諒陳留人以孝聞詔旌其門仍命州縣存問復其賦

宋

家愿字處厚眉山入父勤國及其弟安國定國皆從劉巨

遊與二蘇爲同門友嘗憤王安石廢春秋著春秋新義又作築室作室二論言熙豐之紛更元祐之矯過讀者熈之愿弱冠遊京師由廣文館登第對策惟以守九年所已行者爲言蘇轍見而驚喜曰故人子能不爲少年進取計他日必當以直道顯調晉州樂至令元符三年日食應詔極論時政其大要有十謹始以正本敬德以格天謹好惡以防小人審信任以便君子開言路以來直諫詳聽言以觀事實破黨議以存至公登碩德以服天下從寬厚以盡人才崇名節以厚士風疏上入邪下等謫監華州西嶽廟禁錮不調者十年黨禁解始改秩知雙流縣通判文州郡守鄭行純憑內侍勢自恣罷蕃夸互市啟邊釁愿爭之不從徑下令復其舊守怒交章互奏俱報罷以舊嘗入黨籍謫監英州酒稅量移黃州數年始守祠師臣王庶薦通判果

氏姓譜

卷七十二

六麻

家氏

四

州高宗南渡擢知閩州移彭州有論邊防書名曰罪言以乞骸歸卒

家安國字復禮初任教授東坡以詩送歸蜀云岷峩有雛鳳梧竹養修翎山谷贈詩云家侯口吃善著書常願執戈王前驅朱紱蹉跎晚監郡吟弄風月思天衢

家定國永康司法參軍韓絳欲治西山道定國謂蜀近夷恃險以安塹爲坦途將有後憂絳然其言爲之罷役

家大酉愿曾孫舉進士初授昭化縣主簿吳曦叛蜀大酉不受逆儔之招遂被召用淳祐間侍講經筵累官工部侍郎理宗宣取所上疏讀之改容嘉嘆親書西社同門友元符上書人十大字以賜大酉爲人方直雖屢起屢斥所守不變卒諡文節

家之柄咸熙中任崇德尹

家坤翁四川眉山八景定三年知撫州約已別蠹始立定規清積年深弊重纂圖經民稱頌之

家退翁蘇東坡同年友也元豐中知懷安軍城送以詩云退翁守清約霜菊淒餘馨

家橫字仲本西蜀名士也宋朝以明經冠上庠兄柳以廷對中甲科棣萼相輝為盛

家鉉翁眉州人狀貌奇偉身長七尺被服嚴雅其學邃於春秋自號則堂以蔭補累官知常州政譽翕然遷浙東提刑入為大理少卿直華文閣咸淳八年以秘閣修撰知紹興府兼浙東安撫并提舉司事遷樞密都承旨知建寧兼福建運副權戶部侍郎兼知臨安浙西安撫使權侍右侍郎拜端明殿學士德祐二年與賈餘慶同簽書樞密院時元兵次近郊宰執吳堅賈餘慶檄告天下守令以城降鉉

氏姓譜

卷七十二

六麻 家氏

聖

翁獨不署元帥遣使至欲加執縛鉉翁抗言中書省無縛執政之理得釋副吳堅奉表祈請禮成不得命留館中涕泣不食飲者數日屢欲官之不從改館河間元成宗即位放還賜號處士數年以壽終

家靜蜀人登進士第

家之異景定進士

家誠之眉州人大觀進士

家棟梓潼人開禧進士

明

家之僕景州人正統三年任定陶縣丞

家文慶廣平人成化中寶雞縣尹

家世隆岑溪人嘉靖中通州判官

沙氏

見姓苑望出東莞姓纂云今東莞有沙氏風俗通晉有沙廣又百濟八族其一曰沙族又五代貞明登科沙承贊渤海人五代晉沙彥珣後唐沙守榮沙延符宋沙世堅又複姓沙吒氏今吳興亦有此姓又望出汝南

歷代名賢

沙世堅素稱武勇守宣州平劇賊一路賴之

明

沙玉字子明湖廣武昌人永樂初知涉縣慮民無恒產乃設酒饌請富民親為立券借贖買牛具以給貧乏者令民每丁種蔬一畝以備飢饉民遂足食管值禾稼方熟督民晝夜收穫未畢飛蝗大至鄰邑被災而涉獨免焉

氏姓譜

卷七十二

六府

沙氏

吳

沙毅江浦人洪武舉人任知縣

沙立徐州人宏治庚戌進士任廣西參政

沙安紹興人永樂舉人

沙胡理正統中錦衣指揮隨北狩

沙璧河南商城人成化進士歷廣東左參政

沙鵬字宗哲乾州人宏治進士歷河南副使

沙金延安人嘉靖中任威茂叅將廉仁不刻言論行事恂恂儒者之風戴星而出雖寒暑無輟疏食粗衣不務華飾一無所取軍民安靜無愧古之名將

沙稷字育民儀真人嘉靖舉人歷工部員外郎

沙班為行省右丞至正六年嗣寇吳天保陷武岡朝命沙班統軍討九年天保復陷武岡沙班死之

沙龍字戴旗通州人未詳何代閉戶讀書不識城南與其

弟蓋皆皓首七十餘三世家不析爨寸帛斗粟共之完金却償人以是高其義

歷代列女

沙氏主事即理妻吉安人洪武初從夫官京師理厄沙哭曰夫為忠臣妾獨不為烈婦乎遂自經事聞賜祭馳驛歸葬

沙氏贛倫人名小三父奉正德六年流賊劉七等掠掠村落舉家奔走沙被執堅不受辱賊怒支解之撫叢蘭為文以祭勒文於石

巴氏

子爵世本云巴子國子孫以國為氏其地在預云巴郡江州縣按江州隋改江津今隸渝州戰國策魏有巴寧一作巴漢有巴茂巴肅巴祗又巴郡蠻五姓有巴氏

氏姓譜

卷七十二

六麻 沙氏

宅

歷代名賢

巴寧戰國時人公孫痤曰決利害而使三軍不惑者寧之力也賜錢十萬

漢

巴肅字公祖渤海高城人也初察孝廉歷慎令具邱長皆以郡守非其人辭病去辟公府稍遷拜議郎與竇武陳蕃等謀誅閹宦武等遇害肅亦坐黨禁錮中常侍曹節後聞其謀收之肅自載詣縣縣令見肅入閣解印綬與俱去肅曰為人臣者有謀不敢隱有罪不逃刑既不隱其謀矣又敢逃其刑乎遂被害刺史賈琮刊石立銘以記之

巴茂為太常受書於丁鴻精通大義

巴祗楊州刺史以清廉著名常與客坐闇冥之中不燃官

燭

巴鏞江西人永樂進士

巴思明新城人正德進士

巴文忠壽州人宏治舉人

余氏

通志云從示唐開元有太學博士余欽南昌人右司郎中余珩祖文集隋考功主事洛陽人宋登科余贊洪州人余剛衢州人余赫徽州人望出南昌今新安有此姓按古有余無余余轉韻為禪遮切音蛇姓也楊慎曰今人姓有此而妄寫作余此不通曉說文而自作聰明者余字从舍省舍與蛇近則禪遮之切為正音矣五代宋初人自稱曰沙家即余家之近聲可證而餘字从余亦

氏姓譜

卷七十二

六麻 巴氏

四

可知也

歷代名賢

宋

余昊字壽卿紹熙進士

余起銅陵人一門義聚千三百餘口子孫皆以科第顯

余紹興奉新人高宗時授潭州觀察推官獲盜有功理人

無枉

元

余冕字服周南城人由吏員官至柳州衛經歷懷遠久為徭賊所殘冕與知縣馬希武撫安徭民督工築城奸民以為不利勾徭復叛有先來言者冕曰為國捐軀奚恤一死徭數千攻圍刃職官六人冕同希武奮不顧命與賊對敵遍身中矢猶罵賊不屈竟被碎屍

余耀字叔烜莆田人永樂進士知進賢縣廉介不阿蒞下以信政平訟理而民不敢欺遷任士民不忍舍去

余可才銅陵人舉鄉貢任襄陽府學訓導願試煩劇擢吏部驗封主事練達治體遷通政司左通政

余勉學廣西人嘉靖丁未進士歷官副使子立解元嘉靖壬戌進士

余敬中直隸銅陵人嘉靖己未進士歷官按察使弟毅中解元隆慶戊辰進士

余大成江寧人也官山東巡撫不知兵初爲職方嘗奏發太學士劉一燝私書齮之去後又以事件魏忠賢削籍歸卒于家有清執名

余鳴化字時舉號蓋廷沅陵人萬歷丙子舉人庚辰進士

氏姓譜

卷七十二

六麻

余氏

兕

官戶部主事奉命出使西域進秩戶部郎中生平急公忘私不治田宅惟以清白訓子孫祀鄉賢

余道器字希文太和人正德間以舉人任教諭學問深遠立教有方任未久以疾卒諸士咸思慕之入祠祀

余繼光萬歷二十七年任武岡州判官

余耀正統初知秦和縣廉敏自持旣擢本府通判仍攝縣事傷文貞公重之嘗贈以詩云吏胥無跡到鄉村喧雜何曾及縣門願得年年比今日邑人嘗戴府公恩又云登江一道分明月照見余侯一片心誰謂今人不如古古來循吏卽如今

暇氏

周大夫瑕禽之後又複姓瑕呂氏

歷代名賢

賧倫大夫

賧嘉晉人

賧叔盈鄭大夫

賧更廷尉

賧蒼

賧襄

賧氏

見姓苑姚長蛇后南安人兄越滂為南安太守又有魏武將軍蛇元望出鴈門又複姓有蛇邱氏

牙氏

周穆子司徒君牙之後以王父為氏

氏姓譜

卷七十二

六麻

賧氏至 牙

歷代名賢

牙惟昌宣州長史

牙建德臨洮人宣德中金吾衛千戶

衙氏

秦穆王子食采於衙因氏焉

歷代名賢

衙謹卿長平令七世同居

衙傳晉獲

嘉氏

一晋大夫嘉父之後

歷代名賢

嘉侯

嘉正 湘鄉人 太平興國進士

嘉承 永州司法

明

嘉經 夏縣人 景泰舉人

嘉慶 稷山人 舉人 嘉靖間直隸高苑

茶氏

見姓苑

歷代名賢

氏姓譜

卷七十二

六麻

嘉氏至

五

茶昱 武平人 洪武中洛川縣訓導

茶寧 什仿人 正統間永壽縣訓導

茶孟 元重慶人 嘉靖中陝西耀州寶坻知縣

杞氏

本巴氏東樓公之後 後漢靈帝時巴康避董卓難改爲

杞氏 又複姓杞利氏

歷代名賢

明

杞秀 西魏涼州刺史

明

杞安 宛平人 正統中英山縣丞

夸氏

見姓苑 枯瓜切

匡氏

見姓苑

歷代名賢

明

匡成邛州大足人永樂中舉人任知府

鄜氏

見姓苑

歷代名賢

宋

鄜巴乾道間任福建路兵馬總管

加氏

見姓苑

歷代名賢

氏姓譜

卷七十二

六麻

鑄氏至五

明

加傳稷山人正德舉人

葭氏

漢有葭衆見姓譜

媪氏

女媪氏之後

駟氏

季駟之後

斜氏

大邑人永樂中舉人任知府

見姓苑吳越斜滔爲處州刺史見十國紀年通鑑遼陽郡系出姜姓田和篡齊遷公於海上穴居野食以斜爲

金後別姓斜氏

氏姓譜卷七十二終

